

## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share – copy and redistribute the material in any medium or format

Adapt – remix, transform, and build upon the material


Եղիշե Զավեճ Արքա  
ՀՈՅՏԱԲՈՐ ՀՈՅԼԻ ՀՈՅԱՅ  
Այսուհետ

93.-

# ՊԱՏԻՈՅ ԳՈՂԸ

ԿԱՄ

## ՊԱԽԱՐ ՔԵՈՐ ԱՍՈՒՍԻՆԸ



ԿԱՏԱԿԵՐԳՈՒԹԻՒՆ ԵՐԿՈՒ ԱՐԱՐ

600  
Հայոց  
Հայոց

ԳՐԵՑ

ՎԱՀՐԱՄ ՏԱՏՐԵԱՆ

Կ. ՊՈԼԻ Ա

Տպագր. Յ. ԱԿԱՏՈՒՐՅԱՆ. ԱՐԴԻՐ

1926

20070224010

UNI

20070224010

20070224010

20070224010

20070224010

20070224010

# ՊԱՏԻՈՅ ԳՈՂԵ

493

445

# ՊԱԽԱՐ ՔԵԾՈՒ ԱՍՈՒՄՆԵԼ

ନେତ୍ରପାତ୍ର

ԿԱՏԱԿԵՐԳՈՒԹԻՒՆ ԵՐԿՈՒ ԱՐԱՐ


A II 37953

978

# Ψ Α Ζ Ρ Υ Υ Σ Υ Σ Ρ Τ Υ Υ

4. ՊՈԼԻՄ

**Տպագր. Յ. Ա. Ա. ՏԵՐԵՎՈՅ ԱՐԴԻՐ**  
**1926**



## Ա Ն Զ Ի Ն Ք

ԿՈՒՌՆԵԼԻՈՍ ԱՂԱ. — 50 տարեկան վաճառական մը.

ՏԻԿ.ԱԼԻՍ. — 30 տարեկան. Կուռնելիոսին կինը .


ՏԻՐԱՆ. — հովկուլ բանաստեղծ մը Ալիսին սիրականը .

ՊԱՂՏԻԿ. — Կուռնելիոս աղայենց խոհարարը .

ՍՈՒՐԲԻԿ. —                  »                  »                  սպասուհին .



Ա. Ա. Հ Ր Ո Ւ Մ Տ Ո Տ Ե Վ Ո Ւ Յ



# ՊԱՏԻՈՅ ԳՈՂԵ

ԿԱՄ

ՊԱԽԱՐ ՔԷՈՐ ԱՄՈՒՍԻՆԸ

Ա. ԱՐԱՐ



Տեսարանը կը ներկայացնէ մեծահարուս Կուռնելիոս  
աղայի տան սալոնը։ Տեսարանին խորը պատուհանին  
առջեւ քանաքէ մը դրուած է. քանաքէին երկու կողմերը  
երկու քական հատ քիկնարոններ. զետինը թանկագին գորգ  
մը, կրակարան մը, Սենեակին աջ կողմն է մուտքը. ձախ  
կողմը պղո մը, վրան հայելի մը, ջուրի շիշ մը, լամ-  
պարներ, ծաղկամաններ. արձանիկներ եւայլն. Վարա-  
զոյրը բացուելուն, Սուրբիկ վազօհ մը մէջ քարմ ծա-  
ղիկներ դնելով զբաղած է։

ՏԵՍԻԼ Ա.

ՍՈՒՐԲԻԿ ՊԱՂՏԻԿ

ՊԱՂՏԻԿ. — (Հառաջելով եւ զգոյշ քայլերով կը մտնէ)  
ԷԷԷ... թէվէքէլլի չէ քի՝ լուսահոգի Սեղբոս ամու-  
ճաս իքիտէ պիր կ'ըսէր՝ «օղլում, մինակութիւնը Աս-  
տուծոյ յատուկ է, մարդ ըսածդ կարգուած ըլլալու է,

գոնէ փռնքտացած պահուղ քովդ փառք քե՛զ տէր Աստուած, ըսող մը կը գտնուի» տէյի... Ասոնց պիւթիւնը պօշ լաֆեր չէին ամմա... նա՛ն գաֆա. ատամ օլմատըգ վէսսէլա՛մ... (Սուրբիկին) է՛է... Սուրբի կ ըսէ՛ նայինք եավրուս, ի՞նչ պիտի ըլլայ մեր վիճակը ասանկ...

ՍՈՒՐԲԻԿ. — (Բարկացած եւ դառնալով ու չիմացածի զարնելով) Ծօ՛ խե՞նդ ես դուն Պաղտիկ... շո՛ւտ դուրս ե՛լ սալօնէն. հիմա հանըմը տեսնայ նէ ի՞նչ կ'ըսէ...

ՊԱՂՏԻԿ. — (Մեղմ) Դուն ատոր համար մէրաք մի՛ ըներ եավրուս, տահա հանըմը հիմաճուկ թուալէթի օտան մտաւ... Մալիւմ եա աղւորս հանըմները մէյ մը այդ ալիւրի անպարին մէջ մտնան նէ, դիւրին դիւրին դուրս չեն ելլար... հիմա մարիֆէթը անոր բացակայութէնէն օգտուելով սանկ կամացուկ մը քովիկդ գալ...

ՍՈՒՐԲԻԿ. — (Հնդիմիցելով) Ու թէքմէն ուտելն է... հայտէ՛ դուրս ե՛լ աներես...

ՊԱՂՏԻԿ. — (Մեղմ) Կայնէ՛... անանկ խենդ կովերուպէս չրփընմիշ մի ըլլար... Լուսահոգի Սեղբոս ամուճայիս մէկ խօսքը կայ՝ քէսքին սիրքէնին գապընա զարարը վար... եավրուս, իմ առնելիքս սանկ պղտիկ պաշիկ մըն է, ուրիշ ոչինչ...

ՍՈՒՐԲԻԿ. — (Սպառնազին) Հէլէ մօտեցի՛ր տէ նայէ՛ քիթէդ բերնէդ կը բերեմ առնելիք պաշիկդ...

ՊԱՂՏԻԿ. — (Այլայլած անգիտակցաբար ձեռքը կրակարանին եզերքին վրայ դնելով) Վա՛յ... նէտէ՞ն պէօյլէ...

ՍՈՒՐԲԻԿ. — (Նեղացած) Մի՛... մի՛ դպնար աղտոտ ձեռքերովդ անոնց... մինչեւ որ փայլեցուցի հոգիս ելաւ...

ՊԱՂՏԻԿ. — Ի՞նչ ըսիր, աղտօ՞տ ձեռքերովս մի՞... վայ... ըսել է ատանկ եղանք հէ՞... Օլան տո՛ւր պա-

գալըմ, ի՞նչ շուտ մոռցար այդ աղտօտ ձեռքերուն ե-  
փածները խոզի պէս ուտելու...

**ՍՈՒՐԲԻԿ.** — Հայտէ՛, գնա՛ քովէս... հիմա կրակ  
կայ տէյի պիտի պոռամ... ինծի հետ մի՛ խօսիր...

**ՊԱՂՏԻԿ.** — Ես քեզի հետ չպիտի խօսիմ, այլ  
պիտի պագնեմ...

**ՍՈՒՐԲԻԿ.** .— (Կոնակը դարձնելով) Դուն գնա լուսա-  
հոզի Սեղբոս ամուճայիդ ձեռքերը պագ:

**ՊԱՂՏԻԿ.** .— Վա՛յ... հէլէ սվոր կերած նանէին նա-  
յեցէ՛ք... իմ ամենանուիրական յիշատակիս կը հայոյէ  
կոր... հո՛ս նայէ կախփէ՛շ, դուն տահա այդ գիյնա-  
կան մարդուն անունը բերանդ առնելու չափ չեղար...

**ՍՈՒՐԲԻԿ** .— (Զեռիլ ֆիրկն Պաղտիկին երկարելով)  
Հըը՛... աղեա տէ չի հոտի... աճապ գիտնական ըսելով  
սա մեր գիտցած Սեղբոս էմմիի՞ն համար ես...

**ՊԱՂՏԻԿ.** .— Էվէ՛թ եա նէ զան էթտին... Խուժ-  
խարուի դրպատունէն ելած, աճապ իր աեարը կա՛ր պիւ-  
թին Ստանպոլին մէջ. Գործ Առաքելոցը չորս անգամ ըն-  
դորինակած, Վեց հազարեակը եօթն անգամ գոց ըրած,  
ջուրի պէս գրաբար կը խօսէր, վէ պիւթիւն մէմլէքէթ-  
ին զինքը մատով կը ցուցնէր:

**ՍՈՒՐԲԻԿ.** .— Ուրեմն եթէ անոր համար է որ կը  
պարծենաս փչեմ քու ա՛լ Սեղբոս ամուճայիդ ալ խել-  
քին... մարդիկ խենդերն ալ մատովնին կը ցուցնեն:

**ՊԱՂՏԻԿ.** .— Ա՛ք էք ըրեր Սուրբիկ հանըմ, այդ  
պայուական մարդուն տահա օր մը օրանց երեսին  
«խենդ ես» չըսին, ընդհակառակը պիւթիւն թաղեցին  
իր անցքին ոտքի կ'ելլար զինքը բարեելու համար...

**ՍՈՒՐԲԻԿ.** .— (Ծաղրական) Աղէ՛կ... աղէկ...  
Ուրեմն կը շնորհաւորեմ ձեզի այդպիսի հանճարեղ խե-  
ացի դաւիթի մը շառաւիղը ըլլալնուդ համար... առ-  
այժմ հաճեցէք դուրս հրամմել սալօնէն...

**ՊԱՂՏԻԿ.** (Նմանողաբար) ինչո՞ւ համար հանըմս...  
արդեօք կարելի չէ՞ր որ սա ձեր անուշ լեզուն չըթըր,  
չըթըր ուտէի...

**ՍՈՒՐԲԻԿ.** — (Բարկացած՝ խօսակցութեան վերջ  
սալու համար) Էօ՞ֆ Պաղտիկ... այլեւս չափը կ'անցնես  
կոր... գնա՛ քովէս, ինծի հետ մի՛ խօսիր, ես քեզի  
գժտուած եմ...

**ՊԱՂՏԻԿ.** — Գժտուած ե՞ս... անանկ է նէ եկո՞ւր  
հաշտուինք... (Պաղտիկ առաջ կը բայէ, Առւրբիկին ձեռքին  
դպածին պէս սյս վերջինը ծամածոած էս կը բաշուի:)

**ՍՈՒՐԲԻԿ.** — Մի՛ գար վրաս... բի՛ւֆ... քիթիս  
եկաւ, աս ի՞նչ գէշ ճէնձ կը հոտիս կոր...

**ՊԱՂՏԻԿ.** — (Այլայլած) Ճէնձ մի՞ հոտիմ կոր .. օլան  
աս կնիկ խըսմին իշտէ ասանկ է. տահա երկու օր առաջ  
պագտուէինք կոր նէ հիչ ձայն ձուն չկար... (Ժողո-  
վուշդին դառնալով) լուսահոգի Սեղբոս ամուճայիս մէկ  
խօսքը կայ քի հիչ չեմ մոռնար: Ողորմած հոգին կինե-  
րու բարեկամութիւնը այը չիչէիի կը նմանցնէր... «Տայի-  
մա ջուր տալու է քի ժպաի, չէնէ սօլմուշ կ'ընէ...»  
կ'ըսէր... ասոնց ալ մութլախ բան մը տալու ես.  
արան սօղութմիշ ընկլու հի՛չ չի գար...

**ՍՈՒՐԲԻԿ.** — (Ծաղրելով) Հը ը՛... խնդամ պարի  
քո՞ւ ալ Սեղբոս ամուճայիդ ալ խելքին վրայ... աճապ  
սա բան մը տալովդ, անցեալ օր մէթաքսասէն երկու  
դրուշի գնած՝ չիւրիւք թէնէքէ մատնոցին կ'ակնարկես...

**ՊԱՂՏԻԿ.** — Օլա՛ն, միայն այդ մատնո՞ցը... տահա  
անցեալ Զատկին, կարմիր եղերքը բանուածքլը թաշկի-  
նակ մը տուի նէ ի՞նչ շուտ մոռցար, նամքէօ՛ր...

**ՍՈՒՐԲԻԿ.** — Դուն ալ աշխարքի բիս լաթերդ քի  
մէկ ոսկիի ուրիշ տեղ չէին մաքրեր... ինծի լուալ տուիր  
նէ ի՞նչ շուտ մոռցար բարիքներս ապերա՛խտ...

**ՊԱՂՏԻԿ.** — Օլան ան ըսէ՛ նայիմ , տահա անցեալ  
շարաթ հորէն տասնըհինգ խովա ջուր քաշեցի քի .  
սանդուխյն մէրմէրները փայլեցնես տէյի . . . այդ գործը  
սպասուհիի՞ պարտականութիւնն էր թէ աշճիի . . .

**ՍՈՒՐԲԻԿ.** — Աղէկ որ ըսիր . . . անցեալ կիրակի  
երկու սահաթ կրա՛ին դիմաց շամփուրը դարձուցի նէ՝  
ատիկա աշճիի՞ պարտականութիւնն էր թէ սպասուհիի:

**ՊԱՂՏԻԿ.** — Օլան ուղուրսըզ . . . շամփուրը դարձու-  
ցիր նէ, ամէնէն աղէկ կտորը դուն կերար :

**ՍՈՒՐԲԻԿ.** — Էվվէ՛թ . . . այրած թարաֆը ինծի  
տուիր քի հանըմը չի տեսնայ տէյի . . .

**ՊԱՂՏԻԿ.** — Էօյլէ եա՞ . . . ուտելէն նտքը անանկ  
կ'ըլլայ, Փէք աղէկ քեասէ մը մածունը ո՞վ կերաւ,  
ա՞ն ալ այրած էր . . .

**ՍՈՒՐԲԻԿ.** — Հը՛ը՛ . . . կծծի մա՛րդ . . . դգալ մը  
մածուն տռւեր է, քսանը հեղ գլխուս կը զարնէ . . .  
քեաչքի հիմա միտէս ըլլար տէ թէփէյիդ փսխէի . . .

**ՊԱՂՏԻԿ.** — Հիմա կարճ կապենք Սուրբիկ, պա-  
չիկը պիտի տա՞ս ինծի . . .

**ՍՈՒՐԲԻԿ.** — Ո՛չ, չի պիտի տամ . . . ասկէ վերջ  
քեզի պաչիկ մաչիկ չկայ . . .

**ՊԱՂՏԻԿ.** — (Պաղատագին) Է՛ս, դուն կիտես ամմա,  
եանիա Սուրբիկ պիզ տէ ատամ գուլըեզզ . . . խղճա՛  
վիճակիս . . . նայէ՛ ինտո՞ր հալիմ մաշիմ կոր . . . (փորին  
զարնելով, շաղագին) մէյ մը նայէ՛ սա հալիս, ինտո՞ր  
զայիֆցայ . . .

**ՍՈՒՐԲԻԿ.** — Հայտէ՛, հայտէ՛ ստախօս . . . հիչ ալ  
զայիֆցած չե՞ս . . . ընդհակառակը կերակուրներուն միշտ  
լաւ կողմերը ուտելով փիղի պէս գերցեր ես . . .

**ՊԱՂՏԻԿ.** — (Հառաչելով) Է՛է՛ . . . դուն անանկ ըսէ  
ամմա ես գիտեմ վիճակս . . . նայէ՛ սա գօտին, առաջ

երեքուկէս անգամ մէջքիս կը փաթթէի, հիմաճուկ ըսես  
չորսուկէսէն աւելի կը դառնայ կոր... հայտէ՛ էմր ըրէ՛  
հոգեհատորս, ոտքիդ առջև չէօրքլէշմիշ ըլլամ. .

**ՍՈՒՐԲԻԿ.** — Դուն գնա՛...

**ՊԱՂՏԻԿ.** — (Ընդմիջեղով) Հէմ պատւոյ խօսք կու-  
տամ որ վաղը մէթաքսասը անցնելուն պէս քեզի...

**ՍՈՒՐԲԻԿ.** — (Ընդմիջեղով) Ո'չ... ո'չ... դուն այդ...

**ՊԱՂՏԻԿ.** — (Ընդմիջեղով) Հասկցայ իշտէ, խնդիրը  
նուէրին համար է...

**ՍՈՒՐԲԻԿ.** — Այս' Նուէրին համար է... դուն գնա՛  
առատուընէ մէնչեւ իրիկուն պարտէղին պատին առջեւ  
կայնած անոր հետ աղէկ աչք, յօնք ըրէ՛...

**ՊԱՂՏԻԿ.** — (Զարևացած) Օլան նէրտէն նէրէյէ...  
պէլքի հաւնելու համար սանկ նայած եմ...

**ՍՈՒՐԲԻԿ.** — Դուն արդէն հաւնած ես... մէկ ինծի  
մէկ անոր... էշէկ արըսիի պէս ետեւէն վազէ...

**ՊԱՂՏԻԿ.** — Փէք աղէկ, գէշ բան ըրինք քեզի  
համար նուէրին ետեւէն վազեցինք նէ...

**ՍՈՒՐԲԻԿ.** — Հասկցա՞նք... սուտէն ապուշ մի  
կտրիր... իմ խօսքս մէթաքսասէն առնուելիք նուէրին  
համար չէ՛...

**ՊԱՂՏԻԿ.** — Եա կ'ուզե՞ս որ Պօնմարշէէն առնեմ...

**ՍՈՒՐԲԻԿ.** — (Բարկացած) Էօլիւշիտ քէօրը... իմխօսքս  
պարտիզպանին կնոջը Նուէրին համար է քի...

**ՊԱՂՏԻԿ** — (Երկար շունչ ժաշեղով) Հա՛... շէօյլէ...  
աղջի՛կ... երկու սահաթ է քի չէնեէնիս յոգնեցնենք  
կոր... սվոր չըսե՞ս քի մեզի նախանձեր ես տէ, անոր  
համար գմտուեր ես... վա՛խ եավրուս վա՛խ... անանկ  
է նէ եկո՛ւր աղւորս (ժայլ մը յառաջ կը նետի) ասկէ  
վերջ բոլոր ժպիտներս և պաշիկներս քեզի համար են. .  
մօտեցի՛ր անուշս, մօտեցի՛ր (Սուրբիկն ալ ժայլ մը

կ'առնեց) եկուր այս հանդիսաւոր երդումին վրայ պաշիկ մը տուր ու հաշտուինք . . .

**ՍՈՒՐԲԻԿ.** — (Քայլ մըն աղ յառաջ նետեղով) **Ամմա'** մէյ մըն աղ այդ կնոջ չպիտի ժպտիս . . .

**ՊԱՂՏԻԿ.** — (Քայլ մըն աղ յառաջացած՝ Սուրբիկի այսին վրայ ծոեղով) Զէ մէյ մըն ալ . . . (ընդուս շտկուեղով) այդ ի՞նչ է . . . քովի սենեակին դուռը բացուեցաւ . . . վայ խերն անիծեմ . . . օլան հակաճառի բըռ նուած ուր ըլլալնիս մոռցեր ենք . . . քա՛, ի՞նչ պիտի ընենք հիմա . . . հանըմը կուգայ կոր . . .

**ՍՈՒՐԲԻԿ.** — (Սարսափած) **Աման** . . . հիմա մեզի հոս տեսնայ նէ ի՞նչ կ'ըսէ, Պաղտիկ', ուր փախչինք . . .

**ՊԱՂՏԻԿ.** — (Երգեղով) **Աման** Աստուած ֆէտան եկաւ ուր փախչինք . . . (լուրջ) Քա՛ Սուրբիկ, հիմա ի՞նչ խալթ պիտի ուտենք, սենեակէն ելլալ չըլլար հէմէն խըրբ տէյի դիմացնիս պիտի գայ . . . եկուր պարի սաթիկնաթոռներուն ետին պահուըտինք . . . վերջը հէլպէթ մէկ ճարը կը խորհինք . . .

(Պաղտիկ ձախ կողմի, իսկ Սուրբիկ աջ կողմի թիկնարուներուն ետև կը պահուին . . .)

## ՏԵՍԻԼ Բ.

**ԱԼԻՍ. ՊԱՂՏԻԿ. ՍՈՒՐԲԻԿ**

(Տիկ. Ալիս զիշերային տիգոլք զգեստով մը կուգայ կը նստի զանարկն վրայ ու կէս մը ընկողմանած՝ կակուդ բարձերուն մէջ լուռ՝ կը մտածէ . . .)

**ՊԱՂՏԻԿ.** — (Թիկնարուի ետևին գլուխը դուրս հանած մէկուսի) **Եօ՛ . . .** մուկի պէս խաբանի մէջ ինկանք . . . էյօր եախանիս ձեռք տանք նէ գործերնիս բուրդ է . . .

**ՍՈՒՐԲԻԿ.** — (Թիկնարողի ետևի գլուխը դուրս հանած, մէկուսի) Շատ գէշ դրութեան մը մէջ ենք... եթէ հանըմս հիմա ինծի կանչէ նէ, ուրկէ դուրս ելլամ...

**ՊԱՂՏԻԿ.** — (Մէկուսի) Օլան աւանա'կ, ուրկէ կ'ելլան... պաճախներուն արայէն...

## ՏԵՍԻԼ Գ.

### ՆՈՅՆՔ

**ԱԼԻՍ.** — (Ինքինիք առանձին կարծելով) «Խաղի մէջ շահողը սիրոյ մէջ կը կորսնէնէ» կ'ըսեն. այս խօսքը որքան ճիշդ է ամուսինս կուռնէլիոս աղային համար, բայց ինքն ալ որչափ արժանի այդ ճակատագրին ենթարկուելու... (պահ մը լուրիւն) Մէկը՝ որ յիսունը կոխած է, երբ մեզի պէս իր աղջկան տեղը եղող գեղանի ու դեռատի կին մը առնելու խենդութիւնը կը գործէ, զոնէ սա տարրական ճշմարտութիւնը գիտնալու է թէ...

**ՊԱՂՏԻԿ.** — (Չեռքի ականջին դնելով՝ ծսդրական) Եէէ...

**ԱԼԻՍ.** — Մենք կարասիներ չենք որ իրենց սալօնը զարդարելու համար մեզ գնեն ու մէկ կողմ նետեն...

**ՍՈՒՐԲԻԿ.** — (Ցած ժողովուրդին) Հանմըս իրաւունք ունի... բիս խռֆած ծերուկը հի'չ երեսին նայած չունի... խելքը միտքը խռմարի տուած ամէն իրիկուն կը ձգէ կ'երթայ թուղթ խաղալու համար...

**ԱԼԻՍ.** — Այդպիսի յանդգնութիւն մը ընող խենդը պէտք է գոհարի պէս իր կինը ափին մէջ պահել... խելքը, միտքը վրան, միշտ սիրել փայփայել, գուրգուրալ...

**ՊԱՂՏԻԿ.** — (Սուրբիկին) Հասկցա՞ր աղջի՛կ... նայէ հանըմըդ ի՞նչ կ'ըսէ կոր՝ սիրել, փայփայել, գուրգուրալ... տահա դուն օր մը օրանց անանկ ինծի ըրած չես... միշտ կատուի պէս ճանկերդ կը ցուցնես...

**ՍՈՒՐԲԻԿ.** — (Պահտիկին) Քիթիդ փսխե՛մ... դուն իմ ի՞նչս կ'ըլլաս որ շարունակ վոադ գուրգուրամ...

**ՊԱՂՏԻԿ.** — Սուս եղիր քա... նայէ հանըմդ ի՞նչ կ'ըսէ կոր...

**ԱԼԻՍ.** — ... Այլեւս անցած է այն շրջանը արաբ սուլթաններուն, երբ աշխարհի հուրիներով կը լեցնէին իրենց հարէմները, միայն և միայն գեղեցիկ կիներու տէր ըլլալու գոհունակութիւնը ունենալու համար... հոգ չէ թէ այդ իսեղճերը հոն տառապէին ու անսուազ մեռնէին սիրոյ ծարաւէն... որո՞ւ հոգը չէ՞ մի որ անոնք միայն իրենց կը պատկանէին..., Բայց փա՛ռք Աստուծոյ այլեւս անցած է գերավաճառութեան դարը. այլեւս անոնք չե՛ն կրնար իրենց դրամին ուժովը մեղի պէս դժբաղդները բանտարկել իրենց երկաթէ վանդակներուն մէջ..., Հիմա դրամին տեղը սէրն է որ կ'իշխէ... Մէրը՝ որ մեր սրտին ու հոգիին հացն ու սնունդն է... մեր կեանքին միակ իտեալն ու նպատակը...

**ՊԱՂՏԻԿ.** — (Սուրբիկին ցած) Իմանա՞ս կոր աղջիկ, հանըմը ի՞նչ կ'ըսէ կոր նէ... աղէկ ականջ դի՛ր, վարը երթանք նէ նազ չպիտի ընես հա՛...

**ԱԼԻՍ.** — ... Մենք երիտասարդներս անոր գերին ենք... մեր սիրտը միայն անոր համար է որ կը բարեխէ. մեր արիւնը միայն անոր համար է որ կը փրփրի. մեր հոգին միայն անոր կը սուրայ. մեր մարմինը միայն զայն կ'ըղձայ...

**ՊԱՂՏԻԿ.** — (Մէկուսի) Ծօ՛... ծօ՛... Օլան մեր

հանըմը բանաստեղծ է եղեր տէ խապար չենք...

**ԱԼԻՍ.** — ... Առանց սիրոյ մարդ կենդանի մեռեալ մըն է . ո՞հ միթէ կարելի՞ է մարել այն սիրոյ հուրը՝ որ Աստուած դրած է մեր երակներուն մէջ... քանի որ սիրտ ունինք պիտի սիրենք... ատոր ոչ ոք կրնայ արգելք հանդիսանալ... քանի որ երիտասարդ ենք պիտի փափաքինք ապրիլ, վայելել զբունուլ... ասիկա բնութեան մէկ բնական օրէնքն է...

**ՊԱՂՏԻԿ.** — (Սուրբիկին) Իմացի՛ր, Սուրբիկ իմացի՛ր... աս խօսքերը մեզի համար ալ են... Հայ բերանդ պազնեմ հանըմըս... ի՞նչ ալ աղուոր խրատներ կուտայ կոր մեզի...

**ԱԼԻՍ.** — ... Վերջապէս, մենք ալ քիչ շատ արժանապատութիւն ունինք... մենք ալ պատիւը, փառասիրութիւնը կը սիրենք...

**ՊԱՂՏԻԿ.** — (Մեկուսի) Հա՛ շունու պիլէյիտին...

**ԱԼԻՍ.** — ... Բայց եթէ այդ տխմար էրիկները անտեսելով այս ճշմարտութիւնը լքեն մեզ, ու խելքերնին տուած խաղի, բօքէրի կամ առեւտուրի, երբէք չի մտածեն թէ՝ տունը ունին կին մը, ընկերուհի մը՝ որոնք կ'ուզեն ապրիլ, վայելել... այն ատեն մենք ալ կը նայինք մեր գլխուն ճարը... ու կը գտնանք այնպիսի բաներ՝ որոնք թէ՝ մեր ձանձրոյթը կը փարատեն և թէ մեր լքման վրէժը կը լուծեն...

**ՊԱՂՏԻԿ.** — (Ականջը երկարելով, մեկուսի) Ֆէնա հաւատիս, կեցէ՛ք նայինք, աս իրիկուն հանըմը ճօշմուշ եղեր է, ու սրտիկը դուրս թափէ կոր... վախնամ գործին տակէն չափան օղլու պիտի ելլէ...

**ՍՈՒՐԲԻԿ.** — (Մեկուսի) Ինձի անանկ կուգայ կոր քի, ինդիրը լրջանայ կոր... հանըմը չի տեսած՝ սատեղէն պրծէինք...

**ԱԼԻՍ .—** ... Հիմա անիկա թող բօքէրի սեղանին շուրջ, բասին ու բառոլին վրայ մտածէ (թեւի ժամացոյցին նայելով) ահա Տիրանը քիչ յետոյ ուր է նէ կուգայ...

**ՍՈՒՐԲԻԿ .—** (Մեկուսի ձեռքը ծունկին զարնելով) Հէյ վախ... թամ վախցածիս պէս... հիւր պիտի գայ եղեր... հիմա դուռը զարնուի նէ ո՞վ պիտի բանայ...

**ՊԱՂՏԻԿ .—** (Մեկուսի) Ծօ'... ծօ'... ծօ' թամ երեւակայածիս պէս... Էյ հայտէ տիկին իրաւունք ունիս. այդ պսպուկ մարդը արժանի է ինչ որ ալ ընես...: Լուսահոգի Սեղբոս ամուճայիս մէկ խօսքը կայ, «Ճեր սիրահարները թաց փայտի կը նմանին ֆըսըր, ֆըսըր կը վառին ամմա չեն բոցավառիր...» Կ'ըսէր: Այս Սուրբիկ ա՛խ... հիմա քովիկս ըլլայիր տէ քեզի ապացուցանէի քի ինտո՞ր չոր էի... ինտո՞ր...

**ԱԼԻՍ .—** ... Տիրանը գայ նէ ամբողջ երեք տարուան փափաքս պիտի առնեմ... (թեւերուն ու կուրծին նայելով) ահա ատոր համար է որ այս գիշեր տէքօլթէ հագուեցայ, ու բոլոր անուշանոտութիւններս վրաս թափեցի... Այս' ուրիշ ճար չկայ, պէտք է համակերպիլ...

**ՊԱՂՏԻԿ .—** (Մեկուսի) Ծօ'... կամաց կամաց իշտահս կը բացուի կոր... (չորս ոսքով թիկնարողներու եւ զանարկին ետեւին Սուրբիկի բովը երթաղով) Քալէ՛ քա՛ աղջիկ սատեղէն դուրս ելլանք, տեղերնիս երթանք... ի՞նչ է աս... ի՞նչ... ի՞նչ վախնաս կոր... հայտէ՛ քալէ՛ եավրուս... էրիկ չունիս քի կոտոշ կախենք...

**ՍՈՒՐԲԻԿ .—** (Համակերպած) Այս' երթանք... մեր ներկայութիւնը յայտնի չըրած փախչինք ասկէ...

(Սուրբիկ սոցեւհն , Պաղսիկ ետեւհն , զետնին վրայ սողսկելով դուրս կ'եղեն . Դրան մօս Պաղսիկ կամիք մը կը նետ Սուրբիկին . այս վերջինը վախեն հազիւ աղանակ մը բարձրացուցած ահա դուրսը՝ փողոցի դրան զանգակը կը հնչէ :)

**ԱԼԻՍ . —** (Յանկարծ ռժիկ եղելով) **Ի՞նչ է ան , աղմուկ մը լսեցի . . . բայց դուռն է . կարծեմ Տիրանը եկաւ (պատուհաննեն նայելով) **Ո՞հ , այո՛ , ան է . . .****

## ՏԵՍԻԼ Դ .

**ԱԼԻՍ . ՍՈՒՐԲԻԿ**

**ՍՈՒՐԲԻԿ . —** (Ներս մտնելով) **Տիկի՞ն , պարոն Տիրանը եկած է . . .**

**ԱԼԻՍ . —** **Հսէ՛ թող վեր հրամմէ՛ :** (Սուրբիկ կ'եղի) **(Դուրսին Պաղսիկի ծաղրական ձայնը կը լսուի)**

**ՊԱՂՏԻԿ . —** **Օ՛ . . . հրամմեցէ՛ք տիար Աքլորեան . . . այո՛ . տիկինը վերը կ'ըսպասէ կոր . . . աղան ալ տունը չէ՛ . . . (պահ մը լուրենէ եսֆ) էէ՛ . . . լուսերու մէջ պառկի Սեղբոս ամուճաս «եէմէ՛էնին մալընը երլէր . . .» կ'ըսէր նէ իշտէ աս է . . . քալէ՛ Սուրբիկ քալէ՛ . . . աս դիմացուելիք բան չէ՛ եավրուս . . .**

## ՏԵՍԻԼ Ե .

**ԱԼԻՍ . ՏԻՐԱՆ . վերջեն ՍՈՒՐԲԻԿ**

**ՏԻՐԱՆ** (Գոց սորված նախադասութիւն մը արտասանելու եղանակաւ) **Պօնսուար տիկի՞ն . . . , Օ՛հ այնքան մեծ է սրտիս բերկրութիւնը , և այնքան անհուն հոգիիս ուրախութիւնը որ կը շփոթիմ ու չեմ գիտեր թէ ուրկէ՛ սկսիմ սրտիս խորին երախտագիտութիւնները յայտնելու**


ձեր այն գերազանց շնորհացը համար, որով ծառայականս  
ձեր քաղցր տեսութեան արժանի կ'ընէք... (թութը կը  
կը) այս' տիկին, նուաստութեանս համար մեծ փառք  
ու պատիւ մըն է վիճակիլ այն բաղդին՝ որ դուք բարե-  
հաճութիւնը կ'ունենաք շնորհել ինձ, ձեր ներկայութեան  
ելլելու անգնահատելի պատիւը ընծայելով ինծի...  
(դարձեալ թութը կը կը) Ո՞՛չ չէք կրնար երեւակայել  
այն երջանիկ պահը երբ ձեր քնքուշ մատներով վ գրուած  
այդ բուրումնաւետ երկտողը ստացայ...: Ո՞՞ն ո՞չ. չէք  
կրնար երեւակայել թէ՝ սիրտս ո՞ր աստիճան բարախսեց  
երբ կը կարդայի ձեր այն անուշ տողերը՝ որոնք սիրտս  
ու հոգիս անհուն հրճուանքով կը զեղէին... այս տի-  
կին, շատ երջանիկ եմ որ դիս պատուած էք ձեր շնոր-  
հացը արժանացնելով և որուն համար ահա կուգամ  
իմ խորին երախտագիտութիւններս յայտնել ծնկաչօք...  
(խոնհարեղով ձեռթը կը համբուրէ) Է՞ն ինչպէ՞ս էք  
տիկին. արդեօք շատո՞նց է որ գացած է ձեր պրն.  
ամուսինը...  
Հ 37952

**ԱԼԻՍ.** — Այս' ըստ իր բարի սովորութեան կերա-  
կուրին վերջին պատառը բերնին մէջ մեկնած է բօքէր  
խաղալու համար...  
Ա

**ՏԻՐԱՆ.** — Ո՞՞ն կը տեսնեմ թէ գերազնիւ տիկին...  
ձեր պրն. ամուսինը շատ տարուած է բաղդախաղի հա-  
ճոյքներէն ու երբէք չանդրադառնար այն իրողութեան  
թէ՝ ի՞նչ ահեղ հարուածներ կուտայ ձեր փափուկ սրտին  
իր անտարբեր վարմունքովը...  
Հ

**ԱԼԻՍ.** — Ո՞՞ն վերջիւ ծայր... իրեն համար թղթա-  
խաղէն զատ ոչինչ գոյութիւն ունի աշխարհի մէջ...

**ՏԻՐԱՆ.** — (Խղճաղով) Եւ սակայն իմ խոնարհ կար-  
ծիքս այն է որ ճիշտ չէ՝ ինչ որ կ'ընէ ձեր պրն. ամու-  
սինը...եթէ սիրոյ տենջը մարած է իր մէջը պէտք է նը-



կատի առնել որ անիկա դեռ նոր սկսած է ծաղկիլ ձեր  
երակներուն մէջը... Ահա տիկին ամուսիններուն այս  
անխոհեմ ընթացքն է որ կը մղէ կիները այլուր վնտոելու  
այն սփոփարար ձեռքը՝ այն սիրող սիրտը, և այն  
պաշտող հոգին որուն պէտք ունին անոնք իրենց լըք-  
ման մէջը... եթէ խարւող ամուսինները ի վաղուց անտի  
նկատի առած ըլլային այս պարագան, թերեւս շատ մը  
դժբաղտութիւններու առաջքը առնուէր ամուսնական  
կեանքի մէջ...

ԱԼԻՍ. — (Երազլիոս) Այո՛, բայց որո՞ւ կ'ըսես... երբ  
խաղը մէկու մը էութիւնը գրաւած է... ալ անոր դատո-  
ղութիւնը բթացած ու հոգին կուրացած է, չզանազա-  
նելու աստիճան չարն ու բարին: Խաղամոլը գինով մըն  
է որ քթին ծայրը չի տեսնար...

ՏԻՐԱՆ. — (Ժպտելով) Ո՞հ այո... բայց քանի որ տի-  
կին անկէ հաճոյք կ'առէ, ձգե՛նք որ խաղայ... Արդէն  
ես կը կարծեմ թէ՝ այս գիշեր իր բաղդը բաց պիտի  
ըլլայ... և շատ դրամ պիտի շահի...

ԱԼԻՍ. — (Սրափելով) Այո՛, այո՛... բայց ինչո՞ւ  
ոտքի վրայ մնացիք... նստեցէ՛ք խնդրեմ...

ՏԻՐԱՆ. — Ո՞հ շատ ազնիւ էք տիկին... (դարձեալ  
ձեռքը կը համբուրէ ու երկուքը քով քովի կը նսին  
զանաբեկին վրայ:) Ա՞չ չէք գիտեր տիկին... ժամացոյցը  
ձեռքիս մէջ սպասման վայրկեանները քանի դարեր տե-  
ւեցին ինձ համար... կը յիշէ՞ք այն իրիկունը երբ առա-  
ջին անգամ ձեզ հետ ծանօթանալու պատիւը ունեցած  
էի... ո՞հ կեանքիս մէջ չեմ կրնար երեւակայել աւելի  
երջանիկ վայրկեան մը քան այն պահը, երբ թեւերուս  
մէջ առած ձեզի, կը դառնայի ու կը վերանայի միւ-  
զիւքի մելանուշ ոլորտներուն մէջ... դո՛ւք, հուրի՛ մըն  
էիք, տիկին, հրեշտակ մը՝ սիրայորդ և թարմագեղ...

Դուք ազնուափայլ տիկին, կը կախարդէիք բոլոր անոնք որոնք կը մօտենային ձեզի... Զեր այդ գերաճաճանչ հմայքովը դուք կարող էիք սուրբերն իսկ խենդեցնել... ու ես ծառայականս չեի կարող այդ ճակատազրէն խուսափիլ... Զեր հմայքը գերի ըրած էր զիս ձեզի... Գիշերներ ամբողջ անքուն և արթուն դուք էիք աչքիս առջեւը ու ձեզի թեւերուս մէջ առած (թեւերուն մէջ կ'առնեն ու կը համբուրէ) ես կ'ապրէի այն վայրկեանները, առանց սակայն հաւատալու այդ քաղցր անուրջներուս իրականացման... Ո՞հ դուք հրեշտակ մըն էք տիկին, ձեր փափկասուն մարմինը, վարդենի մը հոտաւէտ որ իր բուրումներով կը դիւթէ, կը հմայէ, կ'ըզգլիսէ կը... կը... կը...

(Նոյն միջոցին Սուրբիկին զլուխն է որ երկարած է դուռնեն: Երկու սիրահարները յանկարծ վախով իրարմէ կը բաժնուին:)

**ՏԻՐԱՆ.** — Բայց այդ անպիտան կինը ի՞նչ կ'ուզէ տիկին:

**ԱԼԻՍ.** — (Խնդիրին ժողվելով, հրամայական) Ի՞նչ կայ, Սուրբի՛կ...

**ՍՈՒՐԲԻԿ.** — (Ծուարած) Հիշ բան չկայ...

**ԱԼԻՍ.** — (Խստադիմ) Ուրեմն ինչո՞ւ եկար...

**ՍՈՒՐԲԻԿ.** — (Ծուարած) Պաղտիկը դրկեց...

**ԱԼԻՍ.** — Ի՞նչ կայ որ, Պաղտիկը քեզի հոս կը դրկէ:

**ՍՈՒՐԲԻԿ.** — (Ծուարած) Զէ՛, Պաղտիկը չի դրկեց: (կարմրելով) այսինքն եկայ որ ի՞նչ կ'ընէք կոր տէյի:

**ԱԼԻՍ.** — (Բարկացած) Հէլէ սա լկուածին նայէ՛. կորի՛ր դիմացէս. մարդ ի՞նչ կ'ընէ հիւրի հետ:

**ՍՈՒՐԲԻԿ.** — (Ծուարած) Գիտեմ, բայց մեզի պէտք չպիտի ունենաք նէ մենք ալ վարը, ըըը... (խնդիրին ժողվելով)

վերջապէս ժողվելով) այսինքն միւսիւին սուրճ եփեմ  
թէ թէյ, ատիկա հարցնելու եկայ:

ԱԼԻՍ.—Քեզմէ սուրճ, թէյ ուզող չկայ. շո՛ւտ, վար  
գնա՝ անպիտան:

(Սուրբիկ կ'եղի):

## ՏԵՍԻԼ Զ.

ԱԼԻՍ. ՏԻՐԱՆ

ՏԻՐԱՆ.—Այս ի՞նչ անկիրթ սպասուհի ունիք, տի-  
կին:

ԱԼԻՍ.—Ո՞չ միայն անկիրթ այլ հետաքրքիր. չի  
կրահեցիք իր գալուն պատճառը:

ՏԻՐԱՆ.—Կ'երեւի թէ շատ երես կուտաք կոր ու  
ատոր համար շփացած է: Ի՞նչ կ'ըսէի կոր. հա՛. այն-  
քան սիրահարուած էի որ քունիս մէջ այլեւս շարու-  
նակ ձեզի կ'երազէի:

ԱԼԻՍ.—Բայց քիչ առաջ չի քնանալնիդ կ'ըսէիք.

ՏԻՐԱՆ.—Այո՛, բայց երբ քնանայի ալ միշտ ձեզի  
հետ էր գործու, ոհ երջանիկ վայրկեանները: Արդորեւ  
ոնիր մըն է ձեզի պէս ազնուասիրտ ու գեղանի տիկին  
մը այսպէս լքելը. ձեր սիրտը, ձեր մարմինը, ձեր հոգին  
սիրելու և սիրոյ տաք բազուկներուն մէջ սիրուելու  
համար ստեղծուած են, տիկին: Ո՞հ չէք կրնար երեւա-  
կայել թէ որչա՛փ կը մեղքնամ ձեր վրայ, այսպիսի  
անգութ, անզգայ մարդու մը հետ ձեր ճակատագիրը  
կապած ըլլալնուդ համար: Թերեւս իր այս անտաքքեր  
ընթացքովը ձեր կեանքը անվերջ գողզոթայ մը ըլլար  
տիկին եթէ չիգտնայիք յանձն իմ, այն անձնուէր բարե-  
կամը՝ որ ահա ձեր ոտքին առջեւ (առանց նստած տեղին  
շարժելու) պատրաստ էիր հոգին զ..հելու ձեզ եթէ ժպիտ

մըն իսկ կաթեցնել ձեր դառնալի կեանքին մէջ : Մեղք .  
մէղք ձեր երիտասարդութեանը : Այս կ'երեւակայեմ թէ  
անոր այդ անարդ ոսկին է որ ձեզ այս պարտութեան  
մատնած է :

**ԱԼԻՍ .—**(Ցած) Այս' այդ զզուելի մետաղը . . . :

**ՏԻՐԱՆ .—**Գիտեմ, այդպիսի մարդիկ՝ որոնք ո՛չ  
մէկ արժանիք ունին քսակներով դրամներէն զատ, իրենց  
դրամին ուժովն է որ անոնք կը տիրանան ձեզի պէս  
հուրիներու ազատութեան : Վաշխառու հրեաներ են ա-  
նոնք՝ որոնք կը գնեն ձեզի, ինչպէս կը գնեն գեղեցիկ  
թապլօ մը երբեմն դիմացը անցնելու և հիանալու հա-  
մար միայն :

**ԱԼԻՍ .—**(Երազկոտ) Այս', հիանալու համար միայն  
ուրիշ ոչինչ . իր մտքին մէջ հիւլէի չափ տեղ չեմ բըռ-  
ներ :

**ՏԻՐԱՆ .—**Չեմ գիտեր մարդ ո՛ր աստիճան անզգայ  
ըլլալու է այսպիսի գիշերներ ձեզ միայնակ ձգելու  
աստիճան . մարդ ո՛ր աստիճան անձնասէր ու խաղամոլ  
ըլլալու է որ, տունը իր գեղեցիկ ու երիտասարդ կինը  
կը ձգէ . ու կ'երթայ, այլուր ինքզինքը զբօսցնելու  
համար . Հիմա ո՞վ գիտէ ի՞նչ կ'ո՞նէ բօքէրի սեղանին  
շուրջ . թերեւս քսան զրուշ | շահելու համար գլուխն է  
որ կը ճաթեցնէ :

**ԱԼԻՍ .—**(Ցուզուած) Անիկա ասկէ վերջը ուզածին  
չափ ճաթեցնէ . մենք անոր ալ դարմանը գտած ենք :

**ՏԻՐԱՆ .—**(Երախուսուած) Այս' . . . Ոչ կարելի  
չէ' որ վարդը թօշնէ իր մատաղ հասակին մէջ . ան լոյս  
կ'ուզէ, արև կ'ուզէ . օդ կ'ուզէ, բացուելու, գեղեց-  
կանալու, բուրելու համար . կնոջ լոյսը, յոյսը, արեւը  
սէրն է . սէրը՝ որ մատաղ հոգիներու սրտէն կը ծնի, և  
որ լոյսի և եթէրի մէջ . (իրար կը գրկեն) միացած,

**աստուածացած**, (համբուրուելու առեն յանկարծ իրաւունք կը բաժնուին) ո՞հ կարծամ փողոցին դուռը զարնուեցաւ:

**ԱԼԻՍ.** — (Յանկարծ ոսքի եղաղով ու պատուհանեն դուրս նայելով՝ սարսափած) Ո՞հ, ամուսինս է. այս իրիկուն ի՞նչ կայ որ կանուխ կը վերադառնայ. արդեօք հիւանդացած է թէ բան մը լսած է,

**ՏԻՐԱՆ.** — (Մեկուսի) Բայց ամէն պարագային գէշ ընդմիջում մըն է, և ճիշտ ալ հոգերանական վայրկեանին. (բարձր) ո՞հ, իրած ձեր ամուսինն է, տիկին, հիմա ի՞նչ պիտի ընենք ուրեմն:

**ԱԼԻՍ.** — (Այլայլած) Ո՞հ, փախէ՛ք, շուտ փախէ՛ք. ձեզի հոս չի տեսնայ, սարսափելի նախանձոտ է. հաւատացէ՛ք երկուքնիս ալ կը սպաննէ եթէ միասին գտնայ հոս :

**ՏԻՐԱՆ.** — (Դողդաղով) Ո՞հ, ես կը վախնամ այն ատեն. իմ բանաստեղծի փափուկ սիրտս և զգայուն հոգիս կը սոսկան մահէն, թէեւ մենք մեր ոտանաւոր. ներուն մ!ջ օրը հարիւր անգամ պարապ տեղը կը մեռ. նինք... Ո՞հ տիկին, գոնէ տեղ մը ցուցունէք որ գլուխս խօթէի ու տկար մարմինս զոհ չերթար նախանձոտ ամուսնի մը բազուկին հոժկու հարուածներուն,

**ԱԼԻՍ.** — Բայց ո՞ւր պիտի պահեմ ես քեզի, Գլխուդ ճարը նայէ տիրա՛ն: Ո՞հ Աստուած իմ, գլուխս կը դառնայ, աչքերս կը խաւարին, ծունկերս կը դողան. առաջին անգամն է որ ամուսինս խարելու փորձ մը կ'ընեմ, ահա ձախողութիւն, անպատուութիւն, գայթաղկութիւն: (Առաղած կ'իյնայ գանաքեին վրայ),

**ՏԻՐԱՆ.** — (Մեկուսի) Ծօ՛ այս ի՞նչ պէլայի մէջ մտանք: (պուաղով) Տիկին Ալի՛ս, տիկին Ալի՛ս, Աստուած իմ, անո՞ր մի նայիմ, ինծի՞ մի: Տիկին Ալի՛ս, անուշս, ազւո՞րս, սրտահատորս, արթնթցի՛ր, ելի՛ր,

աչքերդ բաց, ճար մը մտածենք: (ηկմիլ կը շոյի) Ե՛ւ, աղւորս Ե՛ւ: (պատոհանին կը նայի) Ո՛հ, տակաւին դրան առջեւ կը սպասէ կոր: Աս մեծ բարեբաղտութիւն մըն է որ ծառաները քնացեր են, ու իրենց տիրոջ գալը չեն լսեր. Ե՛ւ տիկին Ալիս, Ե՛ւ:

**ԱԼԻՍ.** — (Աչքերը կը բանայ՝ լալազին) Ո՛հ, ներէ ինձ ամուսինս:

**ՏԻՐԱՆ.** — Մի՛ վախնար Ալիս, ես սիրահարդ եմ. (այսերը կը շոյի) ամուսինդ տակաւին դրան առջեւ կը սպասէ կոր, կերեւի թէ ձեր ծառաները խուլ են, և չեն լսեր. հիմա ո՞ւր պիտի պահուըտիմ, տիկին, գաղտուկ տեղ մը չէ՞ք գիտեր կոր ձեր տան մէջ:

**ԱԼԻՍ.** — (Հառաչեղով) Ո՛չ գաղտուկ տեղ չկայ. ուր որ պահուիս ամուսինս կրնայ քեզ գտնալ, ո՞հ, տես, մտիկ ըրէ՛ ինչպէս բարկացած դուռը կը զարնէ կոր, հիմա ծառաներ ինչպէս որ է պիտի արթննան: Շուտ փախիր Աստուածդ սիրես փախի՛ր, կորսուէ՛ այս տեղէն,

(Տիրան շուարած կը վազվզէ սենեակին մէջ, իս. նի մը Տեղեր պահուըտեղու ապարդիւն փորձեր կ'ընէ:)

**ՏԻՐԱՆ.** — Բայց ո՞ւր պահուիմ. ահա դուռը բացուեցաւ կուգայ կոր: Ո՞վ կոյս Մարիամ Աստուածածին խելք մը սովորեցուր ինծի, խելք մը, խելք մը, չէ նէ գործերնիս եաման է: (սենակին մէջտեղը կեցած ու մատը ձակտին վրայ տնկած պահ մը կը մտածի) Ո՛հ այնքան յուզուած եմ որ, միտքս բանի մը վրայ չեմ կրնար կոր կեղրոնացնել:

**ԱԼԻՍ.** — (Սարսափած) Տիրան, խնդրեմ, փախիր. ահա կուգ այ կոր, չե՞ս լսեր սանդուխներէն բարձրացող ոտնաձայները:

**ՏԻՐԱՆ.** — (Պատոհանին վազելով) Ո՛հ, Հըլլար, շատ

բարձր է մէկ կողմու կը խախտենք , ատիկա տփոց ուտելէն աւելի գէշ է : Բայց աղւորիկ Աստուածու , ասոր մէկ ճարը չկա՞յ (դարձեալ մատը ճակտին վրայ կը դնէ) ո՞հ , ո՞չ , ճար չկայ , պիտի մեռնիմ , հէմ ալ ծեծի տակ պիտի մեռնիմ . (Չենքը կուրծքին երկինք տանելով) է՞հ , մնաք բարով Արեւ և Լուսին . . . Հեշտանք և հմայք ոհ , քաղցրը կուսին . . . Ո՞վ սէր և ժպիտ , համբոյր մերկ ուսին , ծնորք և անուրջք , երազներս սին , Մոխիմ , փլատակ , մարդիկ կը մսի՞ն : Հա' , էվրէքա' , մոխիր ըսինէ միտքս բան մը եկաւ . արդէն մեծ գաղափարները այսպիսի նեղ վայրկեաններու մէջ կը ծնին (Աշխան դառնալով) Ալի՛ս դուն շուտ ննջասենեակդ գնա' , հանուէ և պառկէ' տեղդ :

**ԱԼԻՍ . —** Արդէն հանուած եմ , գիշերանոց մը կ'անցնեմ վրաս , բայց ի՞նչ պիտի ընես :

**ՏԻՐԱՆ . —** Դուն գնա' բացատրելու ժամանակ չկայ , միայն թէ հանգիստ քնացիր : Ես թէ՛ ինծի և թէ քու պատիւդ պիտի ազատեմ :

**ԱԼԻՍ . —** Ուրեմն յաջողութիւն , գիշեր բարի՛ , մնաք բարով :

**ՏԻՐԱՆ . —** Պաչիկ մը որ ուժ առնեմ (կը զրկի ու կը համբուրկ) օ'ն . երթաք բարով :

(Երբ Տիկին Ալիս կ'եղի , Տիրան իսկոյն զետևին զուզը կը ժաշի ու շուրջարի պէս կոնակին կ'առնէ , կրակարանին ալ բուղբով մը ժիչ մը մոխիր կ'առնէ ու լոյսը մարելին եսf դրան առջեւ դարանակալ կը սպասէ : )

**ՏԻՐԱՆ . —** Հիմա ասանկ հի՛չ չեմ վախնար . ասիկա աչքին նետելուս պէս , անիկա մինչեւ որ ինքզինքը գտնայ , ես արդէն փողոցի անդիի ծայրը դարձած եմ : Այսպէսով փոխանակ պատուոյ գող մը ըւլալու և ծեծուտելու , անծանօթ գող մը կ'ըլլաս և թէ ինքզինքս կ'ազատեմ . բայց քաջութիւն ահա մարդուկը եկաւ ,

## ՏԵՍԻԼ Է.

**ԿՈՒՌՆԵԼԻՈՍ. ՊԱՂՏԻԿ. ՍՈՒՐԲԻԿ. ԱԼԻՄ.**

(Կուռնելիոս աղա սենեակ մտած չի մտած յանկարծ աչքերը բռնեղով սրտամլիկ աղաղակ մը կ'արձակէ ու այս խառնաշփորութենին օգտուեղով Տիրան կը փախչի .)

**ԿՈՒՌՆԵԼԻՈՍ .— Վա՞յ աչքս, վա՞յ, վա՞յ աչքս .**  
Ֆի՞ն է սատանա՞յ է, օլան ո՞ւր էք Պաղտիկ, Սուրբիկ,  
քա կնի՞կ . ի՞նչ խալթ կ'ընէք կոր . հասէ՞ք, հասէ՞ք,  
գող կայ հասէ՞ք, Պաղտիկ, Սուրբիկ աչքերս, վա՞յ աչ-  
քերս ,

(Պաղսիկ Սուրբիկ շուարած՝ հանուած վիճակի մեջ  
ետեւ ետեւ կը մտնան ներս):

**ՊԱՂՏԻԿ .— (Օդին մեջ ձօնեղով ձեռփի զոեխը՝ որ-**  
մէ յուր չունի) հրամմեցէ՞ք տէր իմ :

**ՍՈՒՐԲԻԿ .— (Ձեռփի ձրազը առաջ երկարեղով) Ի՞նչ  
կայ տէր իմ :**

**ԿՈՒՌՆԵԼԻՈՍ .— Եօլիւշիդ քէօրը կա՞յ . օլան սը-  
ւոնց խըեաֆէթին նայեցէ՞ք . . . վարտիկ, շապիկ, մէկ  
սենեակէն կ'ելլան . վերը գողերը թալլամիշ կ'ընեն  
խապար չե՞ն:**

**ԱԼԻՄ .— (Գիշերազգեստով ներս մտնեղով) Ի՞նչ է  
աս ի՞նչ աղմուկ է :**

**ԿՈՒՌՆԵԼԻՈՍ .— Ի՞նչ գիտնամ, աղէկ որ եկայ,  
վա՞յ աչքս, հէլէ սվոնց հիյէթը նայեցէք . (Պաղսիկին  
զոեխը ժեսնեղով) ծօ' ան ի՞նչ է ձեռքինդ :**

**ՊԱՂՏԻԿ .— (Շուարած ձեռփին նայեղով) Հիչ, հիչ,  
էֆէնտի աճա . . աճապարանքիս մէջը, պատէն դաշոյնը  
առնելու տեղը ասիկա առեր եմ :**

**ԿՈՒՌՆԵԼԻՈՍ .— Փո՞ւ խըեաֆէթնիդ, անպիտաններ,  
օլան չի գայի նէ, առւնը տեղէն տանէին խապար չէին  
. . . վա՞յ սայխըսըզներ վա՞յ . վա՞յ աչքերս վա՞յ . . . :**

**ՎԱՐԱԴՈՅՐ**

## Բ. ԱՐԱՐ

(Տեսարանը կը ներկայացնէ Կուռնելիոս աղայի տան միեւնոյն սալօնը միեւնոյն կարասիներով բացի գորգին եւ կրակարանին։ Վարագոյրը բացուելուն Սուրբիկ իր ժիրոց ձեռքին բռնած, կոյր մը առաջնորդելու պէս, կամաց ժայլերով զայն կը բերէ սենեակ։ Պաղտիկ ետեւին անձայն կը մտնէ ու կսմիթ մը կը նետէ Սուրբիկին զիստին։ Սուրբիկ բարկացած աչքերով կը վոճակ աներես խոհարարը, Բայց Պաղտիկ սիրահար բանասեղծի մը պէս ծունկի եկած սենեակին մէջ օդա յին համբոյրներ կը նետէ իր ժիշտունին որ սակայն առանց աւելի ուշադրութիւն ընելու կ'առաջնորդէ իր ժիրը մինչեւ տեսարանին խորը զտնուող զանաբեկն։)

### ՏԵՍԻԼ Ա.

**ԿՈՒՌՆԵԼԻՈՍ. ՊԱՂՏԻԿ. ՍՈՒՐԲԻԿ.**

**ԿՈՒՌՆԵԼԻՈՍ.** (Ձեռքի զաւազանով զանաբեկին հասած ըլլալը ստուգելով) Օ՛խ աղջիկս. Հոգիս շատ նեղանար կոր, սանկ պատուհանին առջեւ քիչ մը հավա առնեմ։

**ՍՈՒՐԲԻԿ.** — Ուրիշ, հրաման մը ունիք էֆէնտի։

**ԿՈՒՌՆԵԼԻՈՍ.** — Ոչ միայն սա թապախաս բեր սիկառա մը վառեմ։

**ՍՈՒՐԲԻԿ.** — (Պրօյին վրային ծխատուիլը բերելով) Հրամմեցէ՛ք տէր իմ։

(Կուռնելիոս կոյրի պէս ձեռքը սխալ կողմ կ'երկարէ, )

**ՍՈՒՐԲԻԿ.** — (Մեկուսի) վաշխ . վաշխ . խեղճ մարդուն աչքերը հիշ չեն տեսնար կոր . (բարձր) ուրիշ հըրաման ունիք է ֆէնտի :

**ԿՈՒՌՆԵԼԻՈՍ.** — Լուցկի մըն ալ տուր սա սիկառաս վառեմ (Սուրբիկ սիկարը կը վառէ) հիմա կրնաս երթալ :

**ՊԱՂՏԻԿ.** — (Որ տակաւին սենեակին մեջտեղ կ'ըսպասէ ծնկաչօֆ' ցած) Այս' հիմա կրնանք երթալ :

**ՍՈՒՐԲԻԿ.** — (Եսին դառնաղով , ցած) Հայտէ՛ գնա՞աներես . Ա՛լ չափը անցուցիր , ուր որ երթամ ետեւէս կուգաս . անցեալ օր քիչ մնաց գլուխս փորձանք պիտի փաթթէիր :

**ՊԱՂՏԻԿ.** — (Սուրբիկին ոսքերուն փաթթուելով) Անանկ է նէ կեցի՛ր աս անգամ ոտքերսւդ փաթթուիմ տէ , գլուխդ պէլայի չի մտնայ (միասին կը մեկնին) :

## ՏԵՍԻԼ Բ.

### ԿՈՒՌՆԵԼԻՈՍ

**ԿՈՒՌՆԵԼԻՈՍ.** — Ո՞հ որքան կը տառապի հոգիս . բայց պէտք է զսպել բարկութիւնս ու բան մը յայտնի չընել մինչեւ որ այս խորհրդաւոր գաղտնիքին պարագաները հասկնամ : Աւանակները կը կարծեն թէ ես իրաւցնէ կուր եմ և իրենց ըրածները չեմ տեսնար : Մինչդեռ իմ աչքերս առաջուընէ աւելի ճիլալը կը տեսնան : Սա ինտոր քի եկեղեցիին շամտանները մոխիրով կը փայլեցնեն , անանկ ալ այդ աղէտալի օրէն ի վեր աչքերս փարըլ փարըլ կը փայլին ու լոյսերը աւելցան : Է՞հ , ամէն ձախողութեան մէջ խեր մը կայ . կ'ըսեն նէ աս է . աղէկ որ ան իրիկուն երանոս աղան

հիւանդացած էր ու սովորականէն շատ կանուխ տուն վերադարձայ. փողոցին մէջ մէյ մըն ալ ի՞նչ տեսնամ, աս օտային մէջ լոյս կը վառի. մութլախ տան մէջ հիւր կայ կ'ըսեմ ինքնիրենս, ու մէյ մէն ալ ինծի անանկ կուգայ քի դուռը զարկած ատենս բէրտէին արալըխէն կնոջս հետ Տիրանին շուքը կը տեսնամ. բայց երբ վեր կ'ելլեմ խնդիրը բոլորովին կը փոխուի. նախ կինս գիշերանոցով անկողինէն կ'ելլայ. յետոյ Տիրան կարծածս գող մըն է որ խալին առնելուն պէս կը փախչի աչքիս ալ կրակի պէս մոխիրը նետելէ ետքը:

«Աճապա սխա՞լ տեսած էի, չէնէ ինծի աս խաղը կը խաղային. եթէ տան մէջինը իրաւացր գող էր, ի՞նչ յանդգնութեամբ սենեակին լոյսը կը վառէր ու կը գործէր, մինչ քովի սենեակին մէջ կինս մշիկ մշիկ կը քնանար. յետոյ ի՞նչ էր այդ գողին քովը երեւցող ստուերը որ կնոջս նմանցուցած էի: Վերջապէս աս գործը ինծի շիւփէլի երեւցած էր. մութլախ ասոր տակը բան մը կար, միտքս պուլանիշ եղած էր, ու այս գաղտնիքին խորը թափանցելու համար ես ալ ուզեցի անոնց խաղ մը խաղալ ու յանցաւորները մէջտեղ հանել. Այս' այս միջոցէն զատ ուրիշ ճար չկայ: Հիմա սուտէն պախար քէօր եղած եմ. էյ ինծի կունելիոս աղա կ'ըսեն ես անանկ դիւրութեամբ մոխիր չեմ կլլեր. մեր խըմպըլ տօքթորն ալ հաւատացուցինք պախար քէօր ըլլալուս մասին ու հիմա բուսուի նստած ավճը պէս տուզախներս լարած կ'սպասեմ կոր թիլքիներուն բռնուիլը:

«Անոնց ներսիդին դուրս հանելու համար, ասկէ զատ ուրիշ ճար չկայ. կարծելով քի ես չեմ տեսնար կոր, անոնք օր մը չէ օր մը իրենց ֆոյան դուրս պիտի տան, ինտոր քի սա եռմուրճախ սպասուհիին հետ խո-

հարարը հէմէն տուին նէ... (ժողովուրդին) տեսա՝ ք  
եա իշտէ կատուն քէօրնանէ մուկերը ինտո՛ր մէջտեղ  
կ'ելլեն. Է՞ն նէ իսէ առնելիքնիս ըլլայ, վերջէն խըն.  
դացողը աղէկ կը խնդայ. հիմա սա Տիրանն ալ գար տէ  
կնոջս հետ իրենց ֆօյան մէջտեղ հանէին, խընեանէթը  
տասը օրէ ի վեր մէջտեղ չելաւ, կ'երեւի թէ ատ գի-  
շեր շատ վախցեր է. թերեւս այսօր ուրբաթի դադարէն  
օգտուելով հիւանդտեսի գայ. եկածին պէս անմիջապէս  
կնոջս հետ ունեցած յարաբերութիւնները մօտէն պիտի  
ուսումնասիրեմ. եթէ անմեղ են, քանի մը օրէն կը  
բժշկուիմ ու խանութս կ'իջնամ, և աս 15 օրուան  
բանտարկութենէս սա օգուտը՝ կ'ունենամ քի՛ գոնէ  
կնոջս հաւատարմութեանը մասին ապահովուած կ'ըլլամ:  
Իսկ եթէ խնդիրը երեւակայածիս պէս պարզուի. այն  
ատեն այդ գիւտս աւելի կ'արժէ բանտարկութիւնս...  
ինչ և իցէ հիմա այլեւս լուինք, ահա մէկը կուգայ  
կոր...

## ՏԵՍԻԼ Գ.

ԿՈՒՌՆԵԼԻՈՍ. ՍՈՒՐԲԻԿ. ՊԱՂՏԻԿ

(Սուրբիկ ձեռքը լարով մը ներս կը մտնէ ու կ'ըս-  
կըսի պրօին վրայ գտնուող վազօներուն եւ այլահ փոշին  
առնել: Զբաղման միջոցին, Պաղտիկ զգոյշ եւ ծիծաղելի  
ժաղերով կամաց կամաց մը կը մտնէ ու կը սկսի Սուր-  
բիկի հետ սիրաբանել որու միջոցին զաւար մը զրյուրե-  
տով ձայն կը հանեն:)

ԿՈՒՌՆԵԼԻՈՍ.— (մեկուսի) Վա՛յ Պաղտիկ. դուն  
ալ ասոնք ինծի պիտի խաղայի՛ր, Է՞ն առնելիքդ ըլլայ  
սրիկայ. (բարձր՝ զանոնի վախցնելու ու վախցնելու  
նպատակաւ) քի՛մ տիր օրատա:

**ՍՈՒՐԲԻԿ . ՊԱՂՏԻԿ .** - (Միաբերան) Ես եմ...

**ԿՈՒՌՆԵԼԻՈՍ .** - Քանի՞ հոգի կայ այդտեղ :

**ՍՈՒՐԲԻԿ ՊԱՂՏԻԿ .** - (Միաբերան) Մէկ հոգի :

**ԿՈՒՌՆԵԼԻՈՍ .** - Օլա՞ն աս պիւթիւն ձէվապները  
բազմաձայն կուգան կոր այստեղ . դուն ո՞վ ես հէմ-  
շէրի' .

**ՍՈՒՐԲԻԿ ՊԱՂՏԻԿ .** - (Միաբերան) Պաղտիկ ,

**Սուրբիկ . Սուրբիկ Պաղտիկ ,**

**ԿՈՒՌՆԵԼԻՈՍ .** - Հը՞ . Պաղտիկը հոն է մի՞ :

**ՊԱՂՏԻԿ .** - (Ծուարած) Ո՞չ հոս չ...

**ՍՈՒՐԲԻԿ .** - (Պաղտիկին բերանը զոցելով) ... Զէ' ,

**ԿՈՒՌՆԵԼԻՈՍ .** - Դուն ի՞նչ կ'ընես հոն ,

**ՍՈՒՐԲԻԿ .** - Սեղանին փոշին կ'առնեմ կոր ,

**ՊԱՂՏԻԿ .** - (Ծուարած) Սուրբիկը համբուրեմ կոր :

**ԿՈՒՌՆԵԼԻՈՍ .** - (Բարկացած) Քա՞ աղջիկ , հիմա

քովդ գամ նէ , սա տէյնէկովս խապուրդա քէմիյիներդ  
կը կոտրեմ հա . հոս քովդ Պաղտիկին ձայնը կայ , ո՞ւր  
է Պաղտիկը :

**ՍՈՒՐԲԻԿ .** - Վարը փայտ կը կոտրէ կոր :

**ՊԱՂՏԻԿ .** - (Ծուարած) Այո՛ էֆէնտի վարը փայտ  
կը կոտրեմ կոր :

**ԿՈՒՌՆԵԼԻՈՍ .** - Ո՞վ , ծօ , հի ժա չըլտըրմիշ պիտի  
ըլլամ . աս հաստ ձայնը Պաղտիկինը չէ՞ր :

**ՊԱՂՏԻԿ .** - (Ծուարած) Ո՞չ իմս չէ' :

**ՍՈՒՐԲԻԿ .** - (Պաղտիկին բերանը զոցելով՝ ցած) Մի՛  
խօսիր ապո՛ւշ . (բարձր) ո՞չ իմ ձայնս է , հարբուխ  
եղեր եմ , ձայնս հաստ կ'ելլէ կոր :

**ԿՈՒՌՆԵԼԻՈՍ .** - (Բարկացած) Հայտէ տէ՛ֆ եղիր  
սենեակէն անպիտան աղջիկ . (մէկուսի) պարէմ ըրած  
քէփազէութիւններդ աչքերս չի տեսնան :

**ՊԱՂՏԻԿ .** - (Ցած՝ Սուրբիկին) Հիմակ ինտո՞ր պիտի  
երթանք:

**ՍՈՒՐԲԻԿ.** — (Յած՝ Պաղսիկին) ինտո՞ր եկար նէ անանկ. ինչո՞ւ եկար ետեւէս ապո՞ւշ. տան մէջ ո՞ւր երթամ նէ ետեւէս ֆրբը Փըրը տօլաշմիշ կ'ընես. վերցուր մէկ ոտքդ. (ինին աշ կը վերցնե մեկ հատը իրառու մեջին բռնած եղաղու ատեն) :

**ՊԱՂՏԻԿ.** — (Յած) Վայ սատանորդի, օլան ասթէրթիպը իմ հիչ խելքս չէր, լուսահոգի Սեղբոս ամուճայիս մէկ խօսքը կայ քի, ճիշտ հոս տեղն է յիշելու, աօլան էյոր սատանայութիւնը աշխարքիս վրայէն վերնայ նէ կիները պիրէպիր են իճատ ընելու համար. կ'ըսէր, օլան թա՛մ ըսածին պէս է եղեր... լուսերուն մէջ պառկի Օղորմած հոգին :

**ԿՈՒՄՆԵԼԻՈՍ.** — Ան ի՞նչ կ'ըլաս կոր Սուրբի'կ:

(Սուրբիկ և Պաղսիկ սենեակին կեդրոնուն կը կայնին) :

**ՍՈՒՐԲԻԿ.** Էֆէնտի, գետնէն ասեղ մը մտաւ ոտքիս տէ չեմ կրնար կոր քալել :

**ՊԱՂՏԻԿ.** — (Յած) Վայ խերդ անիծեմ աղջիկ. օլա՛ն ապո-խաթ պիտի ըլլայ եղեր ապուսադ. տէ՛, տէ ասանկ եավրուն մի՛ սիրեր. (կը համբուրէ) հայտէ չէքէրս, փախչի՛նք սակէ ծերուկը չի կատղեցուցած :

(Կը համբուրուին դարձեալ. զեզունին դուրս հանեցով կը ծաղրեն իրենց կոյր Տերը ու մեկնելու ատեն աշ չեն մոռնար բբամատնին ժիթերնին ծայրը դնելով ձեռնովնին խեղճ մարդը հովահարելը) :

## ՏԵՍԻԼ Դ.

**ԿՈՒՄՆԵԼԻՈՍ** առանձին

**ԿՈՒՄՆԵԼԻՈՍ.** — Հէլէ սա խայտառակներուն նայեցք, հիչ մարդու աեղ դրած չունին ինծի. է՛հ հայտէ առնելիքնիդ ըլլա՛յ. նէ իսէ աղօթեցէք Աստուծոյ քի

ինքզինքս պախար քէօր կը ձեւացնեմ կոր տէ, ձեր  
ըրածները չտեսնալու զարնեմ կոր, չէնէ սա փայտը  
երկուքնուդ ալ կռնակին վրայ կը կոտրէի . (ժողովուր-  
դին) իշտէ ասանկ է աշխարքը՝ գայլը ծերանայնէ շու-  
ներու էյլէնձէ կ'ըլլայ . նէ՛ ի՛է կուռնելիոս աղա պիր  
ազ տահա տիշընի սը՛գ . մինչեւ որ սա կասկածը փա-  
րատեմ ամէն բանի համակերպելու է . այո՛, գէշ է կոյր  
ըլլալը ամմա, դիմացինին սիրտը կարդալու համար  
պիրէ պիր չարէ է եղեր :

## ՏԵՍԻԼ Ե.

ԿՈՒՌՆԵԼԻՈՍ . ԱԼԻՍ

ԱԼԻՍ . — (Ներս մտնելով) Միւսիւ Տիրանը տահա  
երէկ իմացեր է գողութեան դէպքը ու այսօր որպիսու-  
թիւնդ հարցնելու եկած է :

ԿՈՒՌՆԵԼԻՈՍ . — (Մեկուսի) Օ՛խ , օ՛խ . Ալլահ  
շիւքիւր . վճռական վայրկեանը մօտենայ կոր . եա հէ-  
րօ , եա մէրօ . ես ալ պիտի ազ ստիմ աս վիճակէն .  
(բարձր) էյ ո՞ւր է վա՞րն է :

ԱԼԻՍ . — Այո՛ վարն է :

ԿՈՒՌՆԵԼԻՈՍ . — Է՛լ ըսէ՛ թոշ հրամմէ վեր . կը  
սպասեմ կոր զինքը :

## ՏԵՍԻԼ Զ.

ԿՈՒՌՆԵԼԻՈՍ . ՏԻՐԱՆ . ԱԼԻՍ . ՍՈՒՐԲԻԿ .

ՏԻՐԱՆ . — Բարիլոյս , ո՞հ անցած ըլլայ կուռնե  
լիոս աղա՛ . այս ի՞նչ ցաւալի վիճակ . հաւատացէ՛ք  
չէք կրնար երեւակայել յուզմանս ահազնութիւնը երբ  
իմացայ ձեր գլխուն պատահած դէպքը . անպիտան

մարդը ո՞չ միայն բաւականացած է գորդը տանելով, այլ ձեզի ալ այս վիճակին ենթարկած է, արդարեւ ցաւալի բան է:

**ԿՈՒՌՆԵԼԻՈՍ.** — Այո՛ ցաւալի և սարսափելի՛. գոնէ ինջքիս կը բռնանայ, կեանքիս խնայէր, անպիտան մարդը ափ մը մոխիրը աչքերուս մէջ անանկ մը սավուրմիշ ըրաւ քի աչքերս կուրցան, հի՛չ բան չեմ կրնար կոր տեսնալ. օտային մէջը հիմա խարլան մը մտնայ նէ խապար չեմ:

**ՏԻՐԱՆ.** — Վա՛խ, վա՛խ, բայց կը կարծէ՞ք թէ ազնուաշուք տիար, այդ անպիտան գողը ձեզ թշնամութեան համար ըրած է այդ զզուելի արարքը:

**ԿՈՒՌՆԵԼԻՈՍ.** — Ո՛չ չեմ կարծեր, որովհետեւ ես աս տարիքը եկեր եմ, տահա մրջիւնի վրայ կոխած մարդ չեմ, ուրկէ՞ ինծի թշնամի պիտի ըլլայ, կ'երեւի թէ ձեռքէս ազատ համարձակ պրծելու համար ատկէ զատ ուրիշ ճար չի գտաւ:

**ԱԼԻՍ.** — Այո՛, ես էրկանս հետ համամիտ եմ այդ կէտին շուրջ ու շատ հաւանական կը գտնեմ որ գողը իր օձիքը ազատելու համար այդ միջոցին դիմեց:

**ՏԻՐԱՆ.** — Ուրեմն հիմա բնաւ չէ՞ք տեսնար կոր կուռնելիս աղա :

**ԿՈՒՌՆԵԼԻՈՍ.** — Ո՛չ երբէք. կարծես թէ սև վարագոյր մը իջած է աչքերուս առջեւ:

**ՏԻՐԱՆ.** — Բայց աչքերդ բաց են ու տեսնալու տպաւորութիւնը թողուն կոր մարդուն վրայ. (մէկուսի) անանկ որ միսերս փուշ փուշ կ'ըլլան կոր:

**ԿՈՒՌՆԵԼԻՈՍ.** — Այո, այդպէս է. այս հիւանթեան բժիշկը թօհաֆ անուն մը կուտայ կոր եա, մեր գիտցածը շիտկէ շիտակ պախար քէօր եղած եմ. եանիս կը նայիմ բայց չեմ տեսնար կոր:

**ՏԻՐԱՆ** – Արդարեւ շատ ցաւալի է. բուժուելու  
յոյս ալ չկայ. կուռնելիոս աղա,

**ԿՈՒՌՆԵԼԻՈՍ**. – Էհ, նայինք Աստուած մեծ է.  
տօքթորը յոյսդ մի' կտրեր, օր մը կը բացուի կ'ըսէ  
կոր. (Մեկուսի) պէւքի թէրս կը կոխես տէ հիմակ ալ կը  
բժշկուիմ:

**ԱԼԻՍ**. – Այո՛ ես ալ այն յոյսը ունիմ թէ՝ ամուս-  
նոյս այդ վարագոյր ըսածը տեսակ մը մարախուղ է,  
որ կամաց կամաց պիտի փարատի:

**ՏԻՐԱՆ**. – Այո՛, գերազնիւ տիկին. իմ խոնարհ  
կարծիքս ալ այդպէս է ու բոլոր սրտովս կը մաղթեմ  
որ ի մօտոյ կատարելապէս կը բուժուի. (Կուռնելիոսին  
դառնալով) ուրեմն առայժմ բնաւ չէ՞ք տեսնար կոր  
կուռնելիոս աղա:

**ԿՈՒՌՆԵԼԻՈՍ**. – Ո՛չ հիչ չեմ տեսնար կոր:

**ՏԻՐԱՆ**. – Այսինքն գոնէ իմ շուքս ալ չէ՞ք տես-  
նար կոր, հիմա նստա՞ծ եմ թէ կայնած եմ:

**ԿՈՒՌՆԵԼԻՈՍ**. – (Ժամանով) Ո՞հ, ատիկա գիտնալը  
դիւրին է, բայց ո՞չ թէ տեսնելով, այլ կռահելով.  
ձայնէդ անանկ կը հասկնամ որ դիմացս ոտքի վրայ  
ես. բայց եթէ ձայնդ չի հանէիր ու օտան կողոպտէիր  
տանէիր լուր չի պիտի ունենայի:

**ՏԻՐԱՆ**. – (Ցած) Օ՛խ, ի՞նչ աղէկ. (Աղիսին) գլուխդ  
ծոէ՛, սիրելիս, անանկ է նէ քիչ մը պաշիկ առնեմ...

**ԿՈՒՌՆԵԼԻՈՍ**. – (Մեկուսի) Օ՛խ օխ, հա՛ պրավօ՛  
կէցէք նայինք բանտօմինան պաշլայէ կոր, հէմ ալ թամ  
գուշակածիս պէս. (բարձր) բայց խնդրեմ ինչո՞ւ ոտքի  
վրայ մնացիր նստիր', նայինք, սանկ քիչ մը լուրեր  
տուր, նայինք դուրսը ի՞նչ կ'անցնի, դառնայ կոր. կոյր  
ըլլալը ամմա գէշ է եղեր, մարդ խազէթա պիլէ չի  
կրնար կոր կարդալ:

**ՏԻՐԱՆ.** — (Կը նստի կուռնելիու աղայի աջ կողմը զնուող քիկնարուներուն միոյն վրայ, տիկին Աղիսին բով, ու այս վերջինին պաշիկ մը տոնելով,) Եֆէնտիմ գործերը աղէկ կ'ընթանան կոր :

**ԿՈՒՌՆԵԼԻՈՍ.** — (Մեկուսի) Հէլպէ՛թ . . . ասանկ քէօր ամուսին գտնաս նէ աղէկ կ'ընթանայ ամմա, սպասէ՛ . . . (բարձր) Սա մեր գործէն ի՞նչ լուր. արդեօք գողը բռներ ե՞ն. խաղէթաները ի՞նչ գրեն կոր :

**ՏԻՐԱՆ.** — Ո՛չ տակաւին չէ բռնուած (Աղիսին համբոյր մըն ալ տոնելով) բայց ոստիկանութիւնը փութոյ պնդութեամբ գործը կը հետապնդէ կոր :

**ԿՈՒՌՆԵԼԻՈՍ.** — (Մեկուսի) Դուն ալ փութոյ պընդութեամբ գործը կը հետապնդես կոր ամմա . . . Ասուած համբերութիւն կուտայ կոր ինծի. (բարձր) Է՛հ, քաղաքականութիւնը ի՞նչ հավայի վրայ է :

**ՏԻՐԱՆ.** — (Ձեռքը պտցնելով Աղիսի կուրծին վրայ) Եֆէնտիմ, օրթալըխը սիւտի լիման է . . .

**ԿՈՒՌՆԵԼԻՈՍ.** — (Մեկուսի) Համբերէ՛ ճանավա՛ր համբերէ . . . (բարձր) Օ՛խ փառք քեզ տէր Աստուած. Էյ գործերը ինտո՞ր են :

**ՏԻՐԱՆ.** — (Աղիսը գրկած այսերը համբուրելով) Եֆէնտիմ աս առալըխ գործե՞ր պաւ խայմախի պէս անուշ են :

(Այս միջոցին սպասուհին՝ ձեռքը լիքորի ափսենով ներս կը մտնէ, ու զանոնի այդ վիճակին մեջ տեսնելով կը կարմրի: Երկու սիրահարները յանկարծ իրարմէ կը բաժնուին:)

**ԿՈՒՌՆԵԼԻՈՍ.** — (Մեկուսի) Աֆէրիմ աղջիկս, իթ՝ օլալը պիր ավ ավլատըն. Ալլահ շիւքիւր. ասանկ երթար նէ, այս քէփազէութեան ետքը չի պիտի գար :

**ՏԻՐԱՆ.** — (Լիքորի զաւարը տոնելով) Է՛հ անցած

ըլլայ, Կուռնելիոս աղա, Աստուած մէյ մըն ալ ասանկ  
ահոելի փորձանք չի ցուցնէ . . .

ԿՈՒՌՆԵԼԻՈՍ. — Ամէն . . .

ՏԻՐԱՆ. — (Գաւարը օդին մէջ վերցնելով) Մաղ-  
թենք որ ձեր աչքերուն լոյսը դարձեալ բացուին ու  
առաջուընէ աւելի պայծառ տեսնան :

ԿՈՒՌՆԵԼԻՈՍ. — Ամէն (մէկուսի) հիմա պիտի տես-  
նաս թէ Աստուած ինտո՞ր ձայնդ պիտի իմանայ :

ՏԻՐԱՆ. — Իշալլա՞ն գողն ալ մօտ ատենէն կը ձեր-  
բակալուի ու իր արժանի պատիժը կը գտնայ :

ԿՈՒՌՆԵԼԻՈՍ. — Ամէն, ամէն :

ՏԻՐԱՆ. — Զեր կենացը . . . (կը խմէ ու ափսէն բա-  
ղաբավարութեամբ կը հրէ) :

ԱԼԻՍ. — Խնդրեմ անուշէն ալ առէ՞ք, միւսիւ Տիրան:

ՏԻՐԱՆ. — (Խոնարհելով) Ո՞հ, շատ ազնիւ էք, տի-  
կին (դզալ մը կ'առնէ. սպասուիին կ'եղի) :

## ՏԵՍԻԼ Է.

ԿՈՒՌՆԵԼԻՈՍ. ԱԼԻՍ. ՏԻՐԱՆ. ՎԵՐԺԻՆ ՍՈՒՐԲԻԿ. ՊԱՂՏԻԿ.

ԿՈՒՌՆԵԼԻՈՍ. — Անո՞ւշ րլլայ միւսի Տիրան (մէ-  
կուսի) այսինքն հիմա ուտելիք տաեախդ :

ՏԻՐԱՆ. — (Ալիսը համբուրելով) Մէ՞րսի. որչա՞փ  
քաղցր է եղեր. ես ասանկ քաղցրեղէնները շատ կը  
սիրեմ. կը ներէք համարձակութեանս, արդեօք տո՞ւնը  
կը պատրաստէք թէ դուրսէն կը գնէք . . .

ԿՈՒՌՆԵԼԻՈՍ. — Ինչո՞ւ հարցուցիր որ :

ՏԻՐԱՆ. — Այսինքն շատ սքանչելի բան մը եղած  
է . . .

ԿՈՒՌՆԵԼԻՈՍ. — Մեր խոհարարը կ'եփէ. (մէկուսի)  
իշալլա ներսիդիտ զըխըմ կը կտրի :

**ՏԻՐԱՆ.** — Ուրեմն ձեր խոհարարը վարպետ մէկը ըլլալու, է ասանկ հրաշալիքներ կարենալ զիտնալու համար:

**ԿՈՒՌՆԵԼԻՈՍ.** — Է՞ս անանկ գործեր քիչ շատ ձեռքէն կուգան. (մէկուսի) հայվանը մարդ չէ քի՛ էլ պիր ըլլայինք տէ քեզի փառաւոր տփոց մը քաշէինք հիմա:

**ԱԼԻՄ.** — Եթէ շատ սիրած էք յիսիւ Տիրան, ձեզի այդ քաղցրաւէնիէն մասնաւորապէս պատրաստել տամու տունը դրկեմ...

**ՏԻՐԱՆ.** — (Աղիսին ձեռքը համբուրելով) Ո՞հ շատ ազնիւ էք տիկին, հարցնելուս պատճառը այսինքն սիրելէ աւելի հետաքրքրութիւն մըն է իր պատրաստութեան եղանակը գիտնալու մասին... (վերսին կը համբուրէ):

**ԿՈՒՌՆԵԼԻՈՍ.** — (Մէկուսի) Համբուրէ՛, համբուրէ՛ նայինք . . էյոր բոլոր այդ համբոյրներդ քիթէդ, բերնէդ չի բերեմ նէ ինծի կուռնելիոս չըսեն (բարձր) էֆէնտիմ չէվիրմէ պատրաստելը բաւական դժուար արհեստ մըն է . . այէնէն առաջ, շաքարին, շօքօլային, վանիլիային, խարանֆիլին պէրղամութին չափերը լաւ գիտնալու է. (մէկուսի) ինտոր քի ես չափող հիմա քեզի լաւ մը պիտի գիտցնէմ նէ:

**ՏԻՐԱՆ.** — Այո՛, այդ մասին տարակոյս չի կայ, ազնուաշուք տիա՛ր . . .

**ԱԼԻՄ.** — Արդէն չէվիրմէյին յաջողելուն միակ գաղտնիքը, բաղկացուցիչ տարրերուն հաւասար բաժաման մէջ կը կայանայ. սանթիմ մը ո՛չ աւելի, ո՛չ ալ պակաս ըլլալու է:

**ՏԻՐԱՆ.** — Ո՞հ, շատ ճիշտ է ազնուափայլ տիկին. (ձախ այսը համբուրելով) այո, ո՛չ աւելի, (աջ այսը համբուրելով) ո՛չ ալ պակաս:

**ԿՈՒՌՆԵԼԻՈՍ.** — Այսինքն այդ նիւթերուն որակը և քանակը լաւ չափելու է (ցած) ինտոր քի հիմա սա գաւազանը կոնակիդ վրայ պիտի չափեմ նէ :

**ՏԻՐԱՆ.** — Ո՞հ այդ մասին կասկած չկայ ազնուա-  
շու ք տիա՛ր :

**ԱԼԻՍ.** — Եփելու խնդիրն ալ բաւական նուրբ է .  
կրակին ջերմութիւնը ո՞չ շատ աւելի , ո՞չ ալ նուազ  
քիչ ըլլալու է ...

**ՏԻՐԱՆ.** — Ո՞հ , այո , գերազնիւ տիկին :

**ԿՈՒՌՆԵԼԻՈՍ.** — Մէկ ալ չի մոռնամ ըսելու թէ՝  
խըվամը եկածին պէս կրակին վրայէն վերցնելու է ...  
(մէկուսի) ինտոր քի հիմա խըվամը եկածին պէս քեզի  
աղւոր տայեախ մը պիտի քաշեմ նէ ...

**ՏԻՐԱՆ.** — Ո՞հ այո , իրաւունք ունիք . գերա ...  
գերա ... (շուարած) գերապայծա՛ռ ...

**ԿՈՒՌՆԵԼԻՈՍ.** — (Մէկուսի) Տո՛ւր պագալը , կնիկը  
ձեռքէս առաւ , հիմակ ալ ինծի գերապայծառ կ'ընէ  
կոր . է է է է ... նէ իսէ համբերենք նայինք ...

**ՏԻՐԱՆ.** — Էֆէնտիմ ըսելիքս սա է որ' խոհարար  
ըսածիդ ձեռքէն ասանկ բաներ քիչ շատ գալու են .  
եթէ ես ալ օր մը քովս խոհարար առնելու բախտաւո-  
րութիւնը ունենամ . իրմէ երկու բան պիտի պահանջնմ .  
մէյ մը ասանկ աղէկ չէվիրմէներ պատրաստել գիտնալը  
մէյ մըն ալ եմեկ խատայիֆի ն :

**ԿՈՒՌՆԵԼԻՈՍ.** — (Կեղծ խնդույնով մը) Ամմա տա-  
ըրի՛ր . միսիւ Տիրան . եթէ միայն զանոնք կը պահան-  
ջես , դիւրին է քեզի խոհարար գտնալ . ուրիշ բան չե՞ս  
սիրեր . . . (մէկուսի) այսինքն սանկ եազլը տայեախ  
մը . . .

**ՏԻՐԱՆ.** — Է՞ս , գօմբօսթօն չի՛ մոռնանք . (Ալիսին  
կուրծքը շօշափելով) բավուք կեօսիւին ալ կը խեն-  
թենամ :

**ԿՈՒՌՆԵԼԻՈՍ .—** (Մէկուսի) Այս' համբերէ քիչ  
մնաց . (բարձր) Բայց կը տեսնամ թէ դուն անուշեղէն  
ներու մէրաքլը ես եղեր . կերակուրները չե՞ս սիրեր :

**ՏԻՐԱՆ .—** (Աղիսին բերանը համբուրելով) Ինչո՞ւ  
չէ . կելին տուտաղըն շատ համով է . . . (այժերը շոյե  
լով) գատըն եանաղըն ալ կը սիրեմ ,

**ԿՈՒՌՆԵԼԻՈՍ .—** (Բոռունաճը ուղեցուցած) Հանրմ  
պուտըն ալ կը սիրե՞ս միւսի .

**ՏԻՐԱՆ .—** Այս' . . . (Աղիսը գրկելով) Հանրմ պու  
տըն և կեօպէյին իմ նախասիրած կերակուրներս են :

**ԿՈՒՌՆԵԼԻՈՍ —** (Մէկուսի) Փէք աղէկ անանկ է  
նէ իշտահդ պահէ' . հիմա բոլորը պիտի ուտես :

(Նոյն միջոցեն դրան առջեւ Սուրբիկ եւ Պաղտիկ  
կ'երեւին Պաղտիկ այլանդակ ձեւով՝ հազուտը թիրս դար-  
ձուցած է, զյխուն երկու հատ եղջիւրի կտոր անցուցած  
ուներուն հսկայ նիզմէնեներ հազած, բարեկենդանցու կա-  
սարեալ միմու մը դարձած է : Անոնց ժեսին Տիրան եւ  
Աղիս յանկարծ իրարմէ կը բաժնուին :)

**ԱԼԻՍ .—** (Պաղտիկը վոնտերս համար աչփովը ու  
զյխովը շարժումներ ընելով, ցած) Այդ ի՞նչ ձեւ է, ի՞նչ  
կ'ուզես կոր, իսայտառաշ'կ :

**ՊԱՂՏԻԿ .—** (Վիզը սագի պէս երկարելով ձեռքերը  
բերնին շուրջ դրած իբր թէ կամաց խօսերու համար)  
**ՄԵՆՔ** ալ հոս պիտի գանք ..

**ԱԼԻՍ .—** (Բարկացած, ցած) Հայտէ կորի՛ր անա-  
մօթ . շուտ վար գնա . . .

**ՊԱՂՏԻԿ .** (Ծաղրական) Այս' վար գնա . դուք  
հոս տուք սենեակը քաշուեցէ՛ք . մենք ալ վարը խոհա  
նոցը նստինք . աֆէրիմ աղէկ խելք . մենք ալ պիտի  
գանք . անձայն ձեր դիմացը կը նստինք :

**ԱԼԻՍ .—** Ոսի եղած ձեռքի սպառնական շարժում  
մը ընելով) Կորի՛ր, ի՛ըսեմ . . .

**ՊԱՂՏԻԿ.** — (Սպառնազին) Հէ . . . որուն կ'սպառնաս . . . հիմա էֆէնտիին պագտուիլդ . . . կ'ըսեմ հա՛զ զենք զիտեր մի'կարծեր . . .

**ՍՈՒՐԲԻԿ.** — Այո՛քիչ առաջ աչքովս տեսայ :

**ՏԻՐԱՆ.** — (Մէկուսի) Ասոնք ի՞նչ անճոռնի մարդիկ են եղեր, գլուխնիս փորձանք մը պիտի հանեն. (անուշութեամբ Պաղտիկին) բարեկամ, հայտէ վարը գնա՞գործերնիդ նայեցէ՞ք :

**ՊԱՂՏԻԿ.** — Զէ՛ մենք վարը չենք երթար, հոս պիտի նստինք. եկուր աղջիկ (Սուրբիկին ձեռքին ժաշելով) եկո՛ւր ետեւէս մի վախնար : Լուսահոգի Սեղբոս ամուճաս, ասանկ բան մը ըլլար նէ «աներես մարդը դուռնէն վոնտես նէ, պաճայէն կը մտնայ .» կ'ըսէր, էյ մենք աներես չենք ամմա, անոնց այս ըրածին արժանի է . . . (Պաղտիկ իր տամը թեւին անցուցած նիւրի պէս կամաց կամաց ներս կը մտնէ, յուրեւեամբ ձեռքովը կը բարեւէ ներկաները, կոտոշները շարժելով զկսնէն թիմիննահ մը կը ժաշէ Կուռնելին աղային, ու Սուրբիկին հետ կը նսի Կուռնելին աղայի ձախ կողմը զսնուող թիկնարուներուն վրայ :)

**ՊԱՂՏԻԿ.** — (Մէկուսի) Օ՛խ ինչ կակուզ է եղեր . . . (տեսնելով թէ իր դիմացը Աշխա՛ Տիրանի ծունկին վրայ նստած է) եկո՛ւր Սուրբիկ, դուն ալ հանըմիդ պէս ըրէ՛ տէ, ծունկիս վրայ նստի՛ր . . .

**ԱԼԻՍ.** — (Ճանքահարիչ ակնարկ մը նետելով) Անպիտան արարած . . .

**ՏԻՐԱՆ.** — (Բոռնացը շարժելով) Անկիրթ մարդիկ

**ԿՈՒՌՆԵԼԻՈՍ.** — (Դիտելով իր երկու կողմի սիրաբանորինները մէկուսի) Էյ Աստուած համբերութիւն տայ ինձի . կ'ցիր նայինք փաթլախը պիտի տայ ամմա, ուրկէ պիտի տայ . անանկ գէշ կ'ըլլամ կոր քի բար-

կութենէս ծունկերս դողդղան կոր . (բարձր) Բայց ինչու լռեցիք , խօսեցէք նայինք :

**ՏԻՐԱՆ .—** (Շուտարած) Եյ , էֆէնտիմ , ուր էինք :

**ԿՈՒՄՆԵԼԻՈՍ .—** Վարպետ խոհարարի մասին կը խօսէինք կոր :

**ՊԱՂՏԻԿ .—** (Շևկուելով) Ինծի մի՞ ...

**ՍՈՒՐԲԻԿ .—** (Պաղտիկին թերանը զոցելով) Սու , ապուշ , դուն ալ վարպետ խոհարարի պէս խօսքը վրադ մի առներ . քիչ մնաց մեր ներկայութիւնը յայտնի պիտի ընէինք էֆէնտիին :

**ՊԱՂՏԻԿ .—** Սուրբիկին ձեռքը խածնելով) Հայ թաթիկդ ուտեմ խելացի եագրուս :

**ՍՈՒՐԲԻԿ .—** (Հառաչելով) Ո՞ւֆ , վայ :

**ՊԱՂՏԻԿ .—** (Սուրբիկին թերանը զոցելով) Սու քա ի՞նչ պոռաս կոր քիչ մնաց մեր ներկայութիւնը յայտնի պիտի ընէիր էֆէնտիին :

**ՍՈՒՐԲԻԿ .—** (Պաղտիկին ձեռքը խածնելով) Հայ մատիկդ սիրեմ անուշիկ պաղտիկս ,

**ՊԱՂՏԻԿ .—** (Հառաչելով) Ո՞ֆ . վայ անամ , կամաց քա :

**ԿՈՒՄՆԵԼԻՈՍ .—** (Մեկուսի) Եյ Աստուած համբերութիւն տայ ինծի . աս էլ շախասը չէ էշէկ ճիլվէսի է . (զլուխը անդին դարձնելով) օխ , օխ երկու կողմու ալ սիրուըտուք , պագուըտուք . կեցէ՞ք սանկ քիչ մը պաղարիւնութիւնս ու խելքս գլուխս ժողվեմ տէ , ձեզ ընելիքս կը ցուցնեմ . . .

(Կունելիին աղա կը ծոխ , ու զլուխը երկու ձեռքերուն մեջ առած , արմուկը ծունկին վրայ կը մտածէ : )

**ԱԼԻՍ .—** Ի՞նչ եղաւ սիրելի ամուսինս , արդեօք գէշութի՞ն եկաւ վրադ :

**ԿՈՒՄՆԵԼԻՈՍ .—** (Առանց շարժելու) Ո՞չ բան մը

չէ . Վրաս քիչ մը նէօպէթ եկաւ , հիմա կ'անցնի դուք  
ձեր քէյֆին նայեցէ՞ք :

**ՊԱՂՏԻԿ . — (Մէկուսի)** Արդէն նայինք կոր :

**ՏԻՐԱՆ . — (Պաղտիկին ակռաները ցուցնելով)** Ախ ,  
սրիկա՛ , աղօթէ որ Կուռնիլիոս աղայի ներկայութեան  
ենք տէ ձայն չենք կրնար կոր հանել , չէնէ ձեզի կը  
ցուցնէի կապիկի պէս մեր դիմացը նստելով մեզի ծաղ-  
րելը :

**ՊԱՂՏԻԿ . — (Գլուխը շարժելով եւ աչքերը դար-  
ձնելով ցած՝) Էհ , հայտէ միւսիւ Աքլոր , աղօթէ քի  
կուռնելիոս աղայի ներկայութեան գտնուինք կոր . չենէ  
կը ցուցնէի քեզի , տան թափուխը գիրկդ առած փեթ-  
թելը :**

**ՏԻՐԱՆ . — (Պաղտիկին ցած՝) Էյ , ինչ ընեմ . հայտէ  
աղօթէ քի՛ պարագաները թոյլատու չեն . չէնէ լէշդ կը  
փռէի գետին :**

**ՊԱՂՏԻԿ . — (Չենքը Սուրբիկի մէջին շուրջ ցած)**  
Էյ հայտէ աղօթէ քի ձեռքերս կապուած են . չէնէ շա-  
տոնց փռած էի փօստդ գետին :

**ԱԼԻՍ . — (Տիրանին ցած՝) Սիրելիս դուն մի նայիր  
այդ ապուշներուն . ես վերջէն անոնց ըրածնւրը կը  
ցուցնեմ իրենց . հիմա մեր գործին նայինք :**

**ՊԱՂՏԻԿ . — (Սուրբիկին ցած՝) Եկուր աղւորս մենք  
աւ մեր գործին նայինք :**

**ԱԼԻՍ (Տիրանին ցած)** Էհ , հա . կցուր նայինք . այն  
օրէն ի վեր չերեւցար . նայինք ի՞նչպէս օձիքդ ազա-  
տեցիր , խնդիրը չի պատմեցիր ինծի . . .

**ՏԻՐԱՆ . — (Աչքերով ծառաները ցուցնելով)** Ինչպէ՞ս  
հասկցնեմ տիկի՞ն , երբ սա ապուշները մեզի նային կոր ,

**ԱԼԻՍ . — (ցած)** Հոգ չէ՛ , այլևս անոնցմէ պահելիք  
բան չմնաց . բոլորը գիտեն կոր . վաղը բասբօրնին ձեռ-  
քերնին կ'առնեն ,

**ՊԱՂՏԻԿ.** — (Յած) Անանկ բան մը ընօս նէ . դուն  
ալ վաղը ինքզինքդ «Կավոօշ»ի մէջ կը գտնաս,

**ԱԼԻՍ.** — (Պաղտիկին, յած) Փո՛ւ աներես՝ մէկ ալ  
չի խպնած երեսիս կը նայիս. (Տիրանին) պատմէ սիրելիս:

(Տիրան ձեռքի շարժումներով կը սկսի իր փա-  
խուսին պատմութիւնը հասկցնել Պաղտիկ եւ Սուրբիկ  
պահ մը դադրեցուցած իրենց սիրաբանութիւնը, հետա-  
քրքրութեամբ կը հետեւին Տիրանի շարժումներուն),

**ՏԻՐԱՆ.** — Երբ այն իրիկուն դուն քովէս գացիր,  
սանկ գորգը գետնէն քաշեցի, (ձեռքովը զետնին ծանր  
բան մը բաշելու շարժում) սանկ կոնակս առի, (շար-  
ժումներ) սանկ թուղթի մը մէջ ալ մօխիր առի (շար-  
ժումներ) վերջը բո՛ւֆ լոյսը մարեցի . . . (շարժումներ)  
կամաց կամաց եկայ դրան ետև սանկ պահուըտեցայ . . .  
(շարժումներ)

(Այս միջոցին կուննելիոս աղա կը շտկուի ու հետա-  
քրքրութեամբ նոյնպէս կը հետեւի համերի շարժումներով  
իր ողիսականին բացատրութեանը,)

**ՏԻՐ.** — (կծկուելով) Սանկ պատրաստ սպասեցի . . .  
(շարժումներ) ներս մտածին պէս սանկ աչքին նետեցի  
(շարժումներ) ու եալլա՞ն դուրս փախայ . . . (շարժումներ)

**ԿՈՒՌ.** — (Տիրանին շարժումները ծադրելով եւ ինքն  
ալ ողիսականին վերցին մասը նոյնպէս շարժումներով  
աւարտելու համար) Ես ալ սանկ կոյր եղայ . . . (ձեռ  
քերով աչքերը կը բռնէ) մեր խըմպըլ տօքթօրն ալ  
սանկ խաբեցի . . . (շարժումներ) կնիկս . ծառաներն ալ  
թօրպային մէջ խօթեցի . . . (շարժումներ) ու հիմա ձե-  
զի այս տուզախին մէջ ձգած . . . (զաւազանը վերցնելով  
եւ օղին մէջ ձօւելով) հիմա ձեր բոլորին հաշիւը պիտի  
կարգադրեմ . . .

**ՊԱՂՏԻԿ.** — (Յանկարծ, կուննելիոս աղային փայտը

օդին մէջ ճօնկլը ժեսնելով ու ոսիհ կլեղով) Ծօ'... տես-  
նա՞յ կոր մի նէ...

(Բոլորը սարսափած, Կուռնելիու աղային կողմը կը  
դառնան, կուռնելիու աղա տակաւին փայտը կը ճօն օդին  
մէջ.)

**ՊԱՂՏԻԿ.**— (վախնալով ու կամաց կամաց Կուռնելիու  
աղային բովը մօտենալով, ձեռքին մասները բացած) Էֆէն-  
տի՛, շու գա՞չ տըր...

**ԿՈՒՌՆԵԼԻՈՍ.**— (Զախ ձեռքով սպասել մը իջեցնե-  
լով Պաղտիկին երեսին) Առ' իշտէ պէշ՛, էտէպսիզ...

Դուն շատ ըրիր ինծի...

**ՊԱՂՏԻԿ.**— Վա՛յ անամ... (Պաղտիկ ցաւալի ճիչ մը  
արձակելով կը փախչի Սուրբիկն այ ետեւին.)

**ԿՈՒՌ.**— Հէլէ սա շան ձագին նայէ՛... (Գաւազա-  
նը կը նետէ Սուրբիկին կոնակին որ նոյնպէս շեղապատո-  
ղուրս կ'իյնայ... Միեւնոյն ատեն Տիրան եւ Աղիս շուա-  
րած ծունկի կուզան) Է՛յ ալթըին (կոկորդը ցուցունելով)  
մինչեւ հոս հասաւ...

**ԱԼԻՍ.**— (պաղտազին) Ամուսինս...

**ՏԻՐԱՆ.**— (պաղտազին) Տէր ի՞մ...

**ԿՈՒՌՆԵԼԻՈՍ.**— (բարկացած) Է՛ ի՞նչ բէրէլէմիշ  
կ'ընէք կոր. (Աղիսին) Քեզի կ'ըսեմ կոր կնիկ, չուրա-  
խանա՞ս. իշտէ ամուսինդ կը տեսնայ կոր. (Տիրանին) Քեզը եմ միւսիւ ի՞նչ շուտ թէսլիմ պայրախը քաշեցիր  
այնքան վարպետ էիր տէ...

**ԱԼԻՍ.**— (Պաղտազին) Ներէ՛ ինձ...

**ՏԻՐԱՆ.**— (Պաղտազին) Գթա՛ ինձ...

**ԿՈՒՌՆԵԼԻՈՍ.**— (Զեռքը կոնակին վրայ դրած  
ծաղրական) Եա՛, ներէ՛ ինձ, գթա՛ ինձ ամմա մէկ սա-  
համ է քի դիմաց, աչքիս առջեւ կոտոշ կը կախէիք  
ինծի, ամմա գթաւ չկար...

**ԱԼԻՍ** .— (Շուարած) Բայց յանցանքը մերն է ,  
դուն կոյր եմ կ'ըսէիր կոր . . .

**ՏԻՐԱՆ** .— (Շուարած) Այո՞ , եթէ ո՞չ աչքերուդ  
առջեւ չէինք ըներ . . .

**ԿՈՒՌՆԵԼԻՈՍ** .— (Տիրանին ականչին ժաշելով)  
Հոս նայէ միւսի՛ւ , նէ՛ աչքիս առջեւը , նէ կոնակիս  
ետեւը . ասկէ վերջը դուն այս տան մէջ ոտքդ կոխես  
նէ խերդ կ'անիծեմ հա՛ . հասկցա՞ր . . .

**ՏԻՐԱՆ** .— (Թուզուած) Այո՞ հասկցայ , շատ չնոր-  
հակալ եմ , բարեգութ տի՛ար . ուրեմն ձգեցէք որ եր  
թամ:

**ԿՈՒՌՆԵԼԻՈՍ** .— Հատէ գնա՛ ճէհէնլէմ եղիր , հէմ  
ալ շուտ խալըն բե՛ր . (Տիրան ամօրահար ոսֆի կ'եղի)՝  
ասկէ վերջը . դուն ալ կնիկ , մէյ մըն ալ ասանկ հայ .  
լազները տուն չպիտի առնես . չէնէ թեւէդ բոնածիս  
պէս քեզի ալ դուրս կը նետեմ հա՛ . իմացար հիմա :

**ԱԼԻՍ** .— (Ամօրահար ոսֆի եղիելով) Այո , բայց դուն  
ալ խելքդ միտքդ խումարի տուած՝ եթէ այսպէս շա-  
րունակես ինծի լքել , գիտցած եղիր որ պույնուզները  
կը կախեմ գլխէդ . դուն ալ իմացած եղիր :

**ԿՈՒՌՆԵԼԻՈՍ** .— (Այլայլած) Դուն ատոր համար է  
որ ինծի խարէիր կոր :

**ԱԼԻՍ** .— (Համարձակութիւնը ժողվելով) Այո՞ եթէ  
ոչ ուրիշ պատճառ չի կար . քու մերժած սէրդ ստիպ  
ուած էի ուրիշ տեղ փնտռել :

**ԿՈՒՌՆԵԼԻՈՍ** .— (Կակուղնալով) Այո իրաւունք  
ունիս ես իր խապահաթը գիտցող և ընդունող մարդ  
մըն եմ . եթէ այդ կողմէն անհոգ գտնուեցայ , ահա  
պատիժս ալ գտայ . հայտէ՛ կը ներեմ քեզի , ամմա մէյ  
մըն ալ չի կրկնելու պայմանաւ . . .

**ԱԼԻՍ** .— Այո՞ մէյ մըն ալ չի կրկնելու պայմա-  
նաւ . . .

(Նոյն միջոցին Պաղսիկ եւ Սուրբիկ, դուռնոնին ժես-  
նելով թէ Տէրերնին կը ներէ, ներս կը խուժեն ու Կուռ-  
նելիոս աղայի առջեւ ծնրադրելով).

**ՊԱՂՏԻԿ և ՍՈՒՐԲԻԿ.** — (Միաբերան) Տէ՛ր իմ,  
Ճնկաչօք կ'աղաչենք մեզի ալ ներեցէ՛ք. բոլոր սըր-  
տովնիս կը զղջանք մեր ըրածնարուն վրայ . . .

**ԿՈՒՌՆԵԼԻՈՍ.** — (Խոստանահօր մը պէս ձեռքերը  
դնելով երկու մեղաւորներուն զիսուն վրայ) ասացէ՛ք  
մեղա՛յ Աստուծոյ . . .


**ՊԱՂՏԻԿ և ՍՈՒՐԲԻԿ.** — (Երբներնին իրարու մի-  
ացուցած համբուրուելով) Վայ ինձ մեղա՛յ Աստուծոյ . . .

**ԿՈՒՌՆԵԼԻՈՍ.** — Հոյտէ ոտքի ելէք, ձեզի ալ  
ներեցի, ամմա անգամ մը ալ կրկնէք նէ գիտցած եղէ՛ք  
գործերնիդ կը լմնցնեմ . . . (Պաղսիկ եւ Սուրբիկ ալ ոսքի  
կ'եղեն ու կը շարուին Կուռնելիոս աղայի ձախ կողմը : Աջ  
կողմը Ալիս եւ Տիրան կայնած են Կուռնելիոս աղա  
խումբին մէջտեղը ժողովուրդին դառնաղով) Էֆէնտիմ,  
եթէ այս փորձութենէս բան մը շահեցայ սա է քի՝  
մարդ երբէք հաւատալու չէ իրեն խնդացող կեղծ ժը-  
պիտներուն. այդ կեղծ ժպիտներուն տակ ինչե՛ր կան  
ինչե՛ր . . . քիչ առաջ ինքնիրենս ան կ'ըսէի կոր եա-  
մարդ դիմացինին սիրտը կարդալու համար, աս աշխահի  
մէջ կոյր ծնելու է եղեր վէսէլամ . . .

**ՊԱՂՏԻԿ.** — (Յառաջ անցնելով ու մատը օդին մէջ  
ճօմելով) Կուռնելիոս աղան իրաւունք ունի . . . լուսա-  
հոգի Սեղրոս ամուճաս մէկ քէօր կատու մը ունէր, օր  
մը երազին մէջ մուկ մը կը տեսնայ և վախէն էօտը  
կը պայթի : Օլան ինչո՞ւդ պէտք : Այս աշխարհի մէջ  
կ'ուզե՞ս հանգիստ ապրիլ, եա քէօր ծնիր, եա սաղլամ  
էս նէ՝ տես ու անցի՛ր :

## ՎԱՐԱԳՈՅՐ

### ՎԵՐՁ



## ՎՐԻՊԱԿ


8րդ էջ 11րդ . տող ֆիքիս եկաւ պիտի ըլլայ քիթս  
ինկաւ

20րդ էջի վերջին տողը պէտք է կարդալ՝  
Պատրաստ է իր հոգին զոհելու ձեզ եթէ այդ գինով  
կարելի ըլլայ ժպիտ մըն իսկ . . .

ԳԱԱ Հիմնարար Գիտ. Գրադ.



220037957



(504)

A ii  
37957



Մեծաբանակ գնումներու համար դիմել՝

VAHRAM DADRIAN

Astardjian Han

*Stamboul — Constantinople*